

O MORENA, FEELA GATEE GAPE

1 Moso wo mobotse, bagwera, goba morago ga sekgalela se sebotse. Ke robile sešupanako sa ka, Nka se kgone go bolela gore ke nako mang. [Ngwanešu o re, “Go sa le mosong, ngwanešu.”—Mor.] Go sa le mosong, a ke gona? Go lokile.

2 Ntle le, re phela ka Bokagosafelego. Ga re na le nako. Magomo a nako a emišitše ge Jesu Kriste a mphile Bophelo bja Gagwe ka gare ga ka, go phela ka bjona, kafao re dibopipa tša Gosafelego gonabjale, re dutše mmogo ka mafelong a Magodimong ka go Kriste Jesu. A nako!

3 Bjale le e no ba letšatši la ka la bobedi mo le lena, eupša, nna, go swana le molasese wa go tonya mosong, go bokoto kudu le go makatša. Ga se ka tsoge ka ipshina nnamong gape ka kopanong e ka ba efe. Gomme ke lebeletše go dikologa bjale bošego, ba pitlagane kudu ga ke kgone go bona motho, eupša lehono ke kgona go lebelela go dikologa. Ke bile le monyetla wa go šikinya diatla le sehlopha se sekaone se sa badiredi ka go sehlopha se fa.

4 Ke elelwa mokgalabje o be a fela a etla kerekeng ya ren, ka leina la John Ryan. Mogolo Ryan, ba mmiditše. O be a etšwa Dowagiac, Michigan. Gomme o be a fela a rera gannyane nthathana, gomme morago a kitimela morago le go šikinya seatla sa ka. Gomme ka gona o be a rera gannyane ga nthathana, le go kitimela morago le go šišinya seatla sa ka. Ke rile, “Ngwanešu Ryan, ke—ke leboga seo, eupša ga—ga ke hwetše tlhaloso ya gobaneng o se dira.”

5 O rile, “Ge peteri e e ba fase, ke hloka e tšhatšwe, kafao ke no ba ke tšhatšitšwe gohle.”

6 Ke nno bona mo—mo modiredi wa Methodist go tšwa godimo ka nageng ya gešo, yo a sa tšwago go amogela Moya wo Mokgethwa, gomme ke mo kolobeditše. O dutše godimo mo go la nngele la ka, Ngwanešu Junior Jackson. Ke mmone a šikinya diatla tša gagwe ka mokgwa wola, mohuta wa go nkeletša Ngwanešu Ryan. Ke ba bakae ba naganago gore Mamethodist ga ba kgone go amogela Moya wo Mokgethwa? Le fošitše. Emelela, Ngwanešu Junior Jackson, yena le mosadi wa gagwe wa go ratega fale. Ba tšwa tlase ka Indiana kua, modiredi wa Methodist.

7 Naa Willard Collins o kae? A o gona ka moagong mosong wo? O kae, Ngwanešu Willard? Ke naganne o be a le tikologong fa. Modiredi yo mongwe wa Methodist aeme godimo fa, ge le sa nagane Mamethodist ba ka kgona go amogela Moya wo Mokgethwa gomme ba kolobetšwagape. Emelela, Ngwanešu Collins. Yo mongwe šoo. Ngwanešu o be a le godimo go Asbury College ka Wilmore, Kentucky, go tšwa go bokamorago bjo bokaone bja Methodist.

⁸ Bjale go na le batho ba bangwe ba bantši le nna mo, bao ba—bao ba tlidego fase. Ke ba kwele ba re “amene,” gomme ke a tseba ba mo, eupša ga ke kgone go ba bona. Ngwanešu—Ngwanešu Fred Sothmann go tšwa tabarenekeleng ka Jeffersonville. Fred, a wena le Ngwanešu Tom le gona? Ke a dumela ke mo kwa a re, “Mo.” Godimo mo sekhutlong, ya.

⁹ Re thabile kudu go tsebiša monna ba. Ga ke bone tlwa ka nako ye, go na le mohlomongwe bontši mo ba ke sa ba tsebego. Ke nagana Ngwanešu Jack Moore o sa tšwa go fetša go bolela. Gomme—gomme kafao ba ke monna yo mokaone, gomme re a ba rata.

¹⁰ Gomme bjale e bile nako ye bjalo ya go makatša ya go ba mo. Ke rile go mosadi wa rena, mosadi wa ka, ke rile, “Wena, o swanetše go be o tlie tlase ka kopanong ye.” Re dumela go kopano ye botse ya fešene ya kgale ya pentecostal. Re a dumela, gore moo tokologo ka Moya wa Modimo, gore magato ohle a go fapano a dikerekemaina a kgone go tla mmogo le go dula mmogo ka mafelong a Magodimong, bjalo ka kereke. Diphapano tša rena ga di dire phapano fao, ge re le ka go Kriste, re ka tlase ga Madi le ka go kopanelo ya lerato la Gagwe.

¹¹ Gomme ke nyaka go bolela se go sehlopha se sa badiredi. Ke—ke tlie ka go Pentecost go tšwa go Missionery Baptist, gomme ke ratile Pentecost. Ke batho ba ka. Ke a ba rata. Ge ke naganne go be go le kereke e ka ba efe gape thwi go feta yeo, ke tla ba kerekeng ye nngwe. Eupša ke na le Pentecost, ka baka la gore ke nagana gore ke selo sa kgauswiuswi se ke se bonago go Lengwalo. Ge nkabe ke tsebile se sengwe gape, ke be ke tla ba le bona; gomme kafao, ke sa nyenyefatše tumelo e ka ba efe ye nngwe, le gannyane. Eupša lebaka ke naganago ka Pentecost, ka gobane go kgauswana le se ke naganago ke sa Lengwalo, go feta se e ka ba eng ke tsebago ka yona.

¹² Gomme go na le selo se tee sa go ikgetha ka go khonferense ye, seo ke se lemogilego, seo ke, basadi ba sefahlego sa go hlweka; ga go le e tee ya manekure wola, le a tseba, goba e ka ba eng le se bitšago selo sela. Ga ke rate seo. Seo ga sa swanela Bakriste. Huh-uh. Yeo ke nnete. Ke—ke rata seo. Ke nna sekolo sa fešene ya kgale se se ratago go hlweka, le a bona. Ke rata go bona basadi... Le a tseba, ga ke re...

¹³ Le ga se lefelo la go bolela e ka ba eng, metlae le go nyefola, go bolela bjalo. Eupša ga ke bolele se bakeng sa tlhalošo yeo. Le ga se lefelo bakeng sa seo.

¹⁴ Ga lego, ke neng bohole le hweditšego selo se? Ye e tšwa go tabarenekele ya ka, go bonala eke. Ka kgonthe e a dira. A yeo ke nnete, kereke? A yeo ga e lebege boka phuluphithi ya kgale? Gabotse, ke nagana Molaetša wa kgale wa go swana re o rerago fale o ya go e putla, go le bjalo.

¹⁵ Kafao le a tseba, go na le mosadi yo motee feela ka Beibeleng yo a kilego a penta sefahlego sa gagwe. Gomme ga se a tsoge a penta sefahlego sa gagwe go kopana le Modimo. O pentile sefahlego sa gagwe go kopana le motho. Yeo ke nnete. Le tseba se Modimo a mo diretšego? O mo fepile dimpša. Kafao ge o bona mosadi a apere pente, o no re, "Moso wo mobotse, Moh Namampša." Seo ke tlwa se e lego. Seo se befile, a ga se sona? Eupša seo ke se Modimo a naganago ka sona. O nno dirwa nama mpša ya go tlwaelega bakeng sa dimpša tša lešoka. Seo ke ka se a lego sona. Tše dingwe tša diphiri tše tša lešoka tše di yago go dikologa, di letša molodi, le a tseba; tše ba di bitšago phiri, le a tseba. Seo ke se e lego sona, feela nama ya mpša gape.

¹⁶ Ke leboga lena basadi. Modimo a fe mogau go go swara mo pele ga sefapano, o ye kgole go tloga go dilo tše tša lefase. Ka morago ga tšohle, re tseleng ya rena go ya Letagong. Re badudi ba Mmušo wo mongwe.

¹⁷ Nako ye telele ya go feta... Ke be ke sa no lebelela go dikologa godimo ga batheeletši go bona ge eba ke tla kgona go bona yo mongwe wa batho, gomme bao ke ba bangwe ba bagwera ba rena ba makhalate, Monegro. Le a tseba, nako ye telele ya go feta, tlase mo ka Borwa, ba be ba tlwaetše go ba dira makgoba. Bjale, ke nna Motšwaborwa. Gomme go ne selo se tee ke tla ratago go se bolela ka bona, ke duma nka bolela le Martin Luther King. Monna yola, ka go ba Mokriste, ga a tsebe o iša batho ba gabon thwi ka go molaba wa lehu, moo go yago go ba dimilione tša bona ba bolailwego. Le a bona? O phošo.

¹⁸ Ke rata baena ba ka, baena ba ka ba makhalate. Ke be nka se be ka Afrika le tikologong, ke ba rerela, ge nkabe ke se ka ba rata. Ke batho ba Modimo, go swana le ge re le. Eupša ga ke dumele gore... Monna yola, ka tlase ga se, o ya feela go hlola bontši, bontši, bontši bja bona go bolawa. Ka gona e tla thoma mmudubudu gape, woo o ka se tsogego wa nyamalala go tšwa go batho tlase mo. Kafao ga se makgoba. Ba na le tokologo ye ntši bjalo ka e ka ba mang gape. Bona, ge ba be ba le makgoba, ke tla be ke le ka lehlakoreng lela. Eupša ga se makgoba.

¹⁹ E no ba ka gobane ba nyaka go ya sekolong. Ba ne dikolo. A nke ba ye sekolong. Yeo ke nnete.

²⁰ Ke be ke le gona, ke elelwa ngwanešu yola wa go tšofala wa lekhilate a eme godimo, mosong wola, ka karolong yela. O kgopetše sešole ge eba a ka bolela. O rile, "Ga se nke ka ke ka lewa ke dihlong go beng motho yo moso. Modiri wa ka o ntirile motho yo moso. Eupša mosong wo, ke lewa ke hlong ka tsela ye moloko wa gešo o dirago. Ke eng bona batho ba se dirago go rena? Ba bile feela go loka go rena."

²¹ "Mosadi yo mošweu," o emeletše gomme o rile, "ga ke nyake bana ba ka ba tsentšwe sekolo ke mosadi yo mošweu," o rile, "gobane ba... a ka se be le—le kgahlego, a tšeang kgahlego ka

go bana ba ka boka mosadi wa lekhalaate a bile ka go morafe wa ka mong.” O rile, “Kua, lebelelang dikolo tša rena. Ba na le matangwana a go thutha. Ba na le dikolo tše kaonekaone le se sengwe le se sengwe. Gobaneng re nyaka go ya dikolong tša bona?” Yeo ke nnete.

²² Ke a dumela Modimo ke Modimo wa—wa, gabotse, ke tla re Yena ke Modimo wa tša go fapana. O dira dithaba tše kgolo le dithaba tše nnyane. O dira maganata. O dira dithokgwa. O dira motho yo mošweu, motho yo moso, motho yo mohubedu. Ga ra swanelia go tsoga re fapakanya seo. E ba motswako. Gomme eng kapa eng motswako o ka se itswale gape ka bowona. O senya moloko wa batho. Go na le dilo ka motho wa lekhalaate tše motho yo mošweu ebile a se nago tšona dimelo. Monna yo mošweu ka mehla o a baka le go tshwenyega; motho wa lekhalaate o kgotsofetše ka seemong se a lego ka go sona, kafao ga ba hloke dilo tše.

²³ Eupša morago ka nakong ya makgoba, ba be ba rekiša makgoba, batho, boka poloko ya okšene, boka ba tla dira lefelo la koloi ye e šomišitšwego. Go bile le moreki a tšwelela, go kgabola naga, gomme o tla ba reka, le go ya go ba rekiša le go dira tshelete ka bona, go no swana le ge o ka dira go koloi ya go šomišwa goba se sengwe.

²⁴ Ga se gwa ke gwa ba lenaneo la Modimo! Modimo o dirile motho; motho o dirile makgoba. Yo motee ga a swanelia go buša godimo ga yo mongwe. Re ba go phela mmogo ka kopano le khutšo.

²⁵ Gomme monna yo o tla polantaseng ya kgale. O—o a nyaka. “O ne makgoba a makae?”

O rile, “Lekgolo goba bontši.”

²⁶ O be a ba lebeletše godimo, gomme o diregile go lemoga, go be go le lekgoba le tee magareng ga batho bale . . .

²⁷ Makgoba a be a nyamile. Maburu a Afrika a be a swere makgoba, a ba tlisitše godimo mo le go ba dira, le go ba rekiša. Gomme ba tsebile ba be ba ka se tsoge ba ile morago go nagalegae. Ba tsebile ba be ba le mo bakeng sa bophelo bja bona ka moka. Ba be ba ka se tsoge ba bone bana ba bona gape. Ba be ba ka se tsoge ba bone papa le mama. Ba be ba le mo nako yohle, gomme ba be ba nyamile. Gomme ebile ba be ba rwala difepi, le go ba otla, go ba dira ba šome. Gomme kafao ba ile ba swanelia go ba dira ba šome, gobane ba be ba sa nyake go šoma. Bohle ba be ba nno robega fase.

²⁸ Moreki yo wa lekgoba o lebeletše godimo fale. Gomme o hweditše magareng ga makgoba a, go be go le moisa yo moswa yo motee. Ba be ba se ba swanelia go mo otla; sefega godimo, seledu godimo, thwi godimo ga mošomo. Gomme moreki o rile go mong wa makgoba, o rile, “Ke nyaka go reka lekgoba lela.”

O rile, "Ga a rekišwe."

O rile, "O bonala go fapana le makgoba a mangwe."

O rile, "O a dira."

²⁹ O rile, "Ke eng e dirago phapano? A ke molaodi godimo ga ka moka ga bona?"

O rile, "Aowa, aowa. O no ba lekgoba."

³⁰ O rile, "Mohlomongwe o mo fepa go fapana go feta ka mo o dirago ka moka ga bona."

³¹ O rile, "Aowa, o jela ka kalaring le makgoba ka moka."

O rile, "Ke eng e mo dirago go fapana kudu bjalo?"

³² O rile, "Ka mehla ke maketše seo, nnamong, go fihla ke hwetša. Mošola ka go nagalegae, ka Afrika moo a tšwago gona, tatagwe ke kgoši ya setšhaba. Gomme go sa kgathale moo a lego, o sa tseba ke yena morwa wa kgoši, gomme o dira boka yena."

³³ Haleluya! Ge o le morwedi wa Kgoši, gona o se itshware boka lefase. Ge o le morwa wa Kgoši, o se itshware boka lefase. Rena re, re a tseba gore re barwa le barwedi ba Modimo. Le ge re le fa ka go lefase la leswiswi la lehu le manyami, efela re tseba moo bohwa bja rena bo lego. Re barwa le barwedi ba Kgoši; e sego kgoši, eupša Kgoši. A re itshwareng boka yona.

³⁴ Dinakwana di se kae tša go feta, lebakwa ke be ke le thari, mosetsana yo monnyane wa Moethopia a dira kamora, gomme ke lemogile o be a dira se sengwe. Ke be ke leka go ngwala sengwalwa tsoko sa Lengwalo bakeng sa se sengwe ke nyakago go bolela ka sona. Ga ke tle go bolela feela go kwewa; ke tla go bolela se sengwe seo se tla thušago kereke, go dira thušo ye itšego. Gomme ka gona ke ithuta, gomme mohumagadi yo monnyane yo o ile a tšwelapele ka mokgwa wo mongwe a swere go dikologa. Thwi o rile, "A o ka ntshwarela, mohlomphegi?"

Gomme ke rile, "Ee, meme."

³⁵ Gomme o rile, "Ba mpotša gore ke wena monna yo a bilego le lgaogelo pele ga Modimo, gore ge o rapelela balwetši, gore Modimo o araba thapelo ya gago."

³⁶ Ke rile, "Ga a no araba ya ka, eupša O araba mang kapa mang yo a tla Mo dumelago."

³⁷ O rile, "Ke a babja, mohlomphegi. A e ka ba ka ntle ga tsela ye ge ke go kgopela go ba le thapelo ye nnyane go nna?"

Ke rile, "Le gannyane."

³⁸ Ke sepeletše godimo go yena. Ke rapetše se sengwe boka se. "Morena Jesu, mengwaga ye mentši ya go feta, ge O be o goga sefapano sa kgale sa makgwakgwa godimo ga thaba ya lešabašaba, le go gogela ntle dikgato tša Madi ao a bego latela go theoga mokokotlo wa Gago. Wa Gago wo monnyane, mmele wa go šokiša o fokotše kudu go fihla O wetše ka tlase ga morwalo. Go

be go le yo motee a emego kgauswi, ka leina la Simone, Monegro, o topile sefapano gomme a Go thuša go se rwala. Yo mongwe wa bana ba gagwe šo, mosong wo, o a babja." E ka ba ka nako yeo, e diregile. Le a bona? Yena ke Modimo wa moloko ka moka wa batho.

³⁹ Bjale, bagwera, le batheeletši ba bakaone kudu. Gomme nna ke tlide ka gare go tšwa tšhemong, ya maboromiwa ntle kua, pele ga bodiabolo le dingakabaloi, le go ya pele. O se ke wa nagana gore ba ka se go hlohle. Bakaone o tsebe se o bolelago ka sona ge o etla pele ga bona. Eupša ka tlase ga se bjalo ka seo, gomme morago go tleng fa moo mello ya gae e tukago magareng ga Bakriste, le go ya pele, ga o tsebe se tokologo e lego bakeng sa monna go ema ka mokgwa wo. Ke duma gore nka no dula morago fale ka go batheeletši le go kwa baena ba bakaone ba ba tloditšwego ba rera Lentšu, gomme nka no phagamiša diatla tša ka le go lla, le go goelela, le go rapela. Gomme a se—a se—a selo se lego, go ruthela hleng ga Mollo. Ke selo sa go makatša kudu. Eupša ka mehla . . .

⁴⁰ Baena ba ka, ke na le baena ba bantsi ba ba nthatago, gomme ba nkgopela gore ke bolele. Gomme kagona ke a tseba, seo se bitšwago go tirelo ya Kgoši, ke swanetše go leka go šoma bokaonekaone nka kgonago, eupša ka mehla ke e fetiša ka go dula bottelele kudu. Gomme ke a tseba le letetše matena a lena, ke bile ka mo go tloga ka iri ya seswai mosong wo, goba se sengwe, ka go sehlopha se sa batho. Eupša ke naganne gore, go tleng morago ga sekgaleta se go bolela le lena bakeng sa feela nako ye kopana, ke ngwadile ntle dinoutse tše dingwe mo, le Mangwalo a mangwe, ao ke nyakago go šupa go wona. Gomme ka go dira se, go nagana gore o na le monna mo yo a nago le maswanedi a mantši, le pitšo ya Modimo, go tšeа lefelo le, go feta nna. Eupša ya ka ke thapelo go balwetsi, go boneng dipono, le go ya pele.

⁴¹ Gomme ke be ke bolela le yo mongwe metsotso e se mekae ya go feta. Ge o lebelela ka go kgatišobaka ya *Life*, kgwedi ya go feta, o tla bona fao. Gomme le na le theipi yeo. Ga se nna monna wa go rekiša theipi. Eupša ge o kile wa dumela Mantšu ao ke a rerago, gomme o ka kgonago go e fihlelala, go hwetša *Mahuto A Šupago*, gomme sa pele hwetša *Ke Nako Mang, Bahlomphegi?* Theetšang seo go boletšwe ka sona, dikgwedi tše tshela pele se direga. Gomme saense e a gakanega. E eme thwi ka tlase ga moo e bego e direga fale. Gomme ke ba boditše, dikgwedi tše tshela pele, ka fao gore go tla ba Barongwa ba šupago ka sebopego sa sehlopha, le go lebega boka phiramiti, ba tla wela fase. Gomme ke tla be ke eme leboa la Tucson, Arizona, gomme go tla ba mororo wo ebile o tla šikinyago maswika go tšwa dithabeng. Ngwanešu Fred Sothmann a dutšego fale, yo a bego a eme le rena, bontši bja bona, ge go diragetše.

⁴² Bjale saense e tšere seswantšho sa Lona, le Le bone, e ile pele Associated Press. Ba be ba sa tsebe E be e le eng. Go ne

Leru le lekeletše, dimaele tše masomepedi tshela godimo. Yeo ke dimaele tše lesometlhano, goba masomepedi, godimo ebile moo lefokameetse le lego. Ga ba tsebe se le yago mabapi le sona, gomme ba leka go Le nyakišiša. Gomme fale, thwi ka tlase ga Lona, ke be ke eme. Gomme Barongwa bale ba šupago ba rorela digalontšu tša bona, tša Mahuto ale a Šupago, ba eme fale. Gomme hlatse, ba bararo ba rena, bjalo ka hlatse ya dilo tše di profetilwego godimo ga theipi, *Bahlomphegi, Ke Nako Mang?* Gomme fale bjale ba leka go hwetša. Ke sephiri go bona.

Ba bangwe ba bona ba rile, “Sepela, sepela, gobaneng o sa ye go ba botša?”

⁴³ Go tla no swana le ge Morongwa wa Morena a tšweletše mo ka Houston, Texas, ka go Seetša sela. Ke boditše batho, “Bophelo bjohle bja ka ke bone Seetša sela.”

⁴⁴ Kereke e a e tseba. Saense e a e tseba. Ke, se sengwe le se sengwe se swanetše go paka ge Jesu Kriste a dira mosepelo. Šelele lona. Kgatišobaka, ge le nyaka go lebelela ka go yona, ke yona e nago le Rockefeller le mosadi wa gagwe yo moswa ka morago. Ke nagana gore ke kgatišo ya *Life*. Ÿena ke Modimo. Re phela ka matšatšing a mafelelo.

⁴⁵ Bjale ke tlide mosong wo go leka go topa dinoutse di se kae mo, le dilo, go bolela ka se sengwe seo se tla go thusa kereke, se tla go thusa le banešu badiredi ba, go bea magetla a ka go lebile le monna ba. Ke rena banešu, gomme ba ntlišetša fa gobane ba dumela go bodiredi bja go swana. O phološitšwe lebakeng la kopano ye, gobaneng le sa tseele boleloko bja lena godimo le tše dingwe tša dikereke tše kaone tše fa tše di dumelago mohuta wo wa bodiredi. Bona, ba a bo dumela, ba ema ka morago ga bjona. Gomme ke—ke tla gore re ke re bee Lengwalo fase le bakeng sa se sengwe seo se ka go thusa kereke.

⁴⁶ Gomme thuto ya ka, boka, mosong wo, ke go seemo sefe seo ke naganago kereke ya Pentecostal ke ya letšatši le e go sona. Ke boemo bofe gomme ke iri efe re emego ka go yona, gomme kgonagalo ke eng? Bjale a ke tsopole yeo gape. Ke leemo lefe kereke e emego ka go lona bjale, gomme ke dikgonagalo mang di robetšego pele ga yona?

⁴⁷ Ke nyaka go bala go tšwa Lengwalong, bakeng sa sehlogo, gomme ke nyaka go bala go tšwa go Puku ya Baahlodi, tema ya 16, temana ya 27 le ya 28.

Gomme *ntlo e be e tletše ka banna le basadi; gomme bohole barena ba Bafilisita ba be ba le fao; gomme go be go le godimo ga tlhaka e ka ba banna le basadi ba dikete tše tharo, gomme ba bone ge Simsone a dira papadi.*

Gomme Simsone o biditše MORENA, gomme o rile, O Morena MODIMO, nkgopole, ke a go rapela, . . . ntiše, Ke a go rapela, feela gatee go, O MORENA, gore nke ke be . . .

tsoge ka itefeletša go Bafilisita bakeng sa mahlo a ka a mabedi.

⁴⁸ Ke tla rata go tšea sehlogo go tšwa go seo, go tšwa go O Morena, *Feela Gatee Gape*. A nke Morena a šegofatše palo ya Lentšu la Gagwe.

⁴⁹ Go swanetše go ba go bile ka—ka morago ga sekgalela sa go ratega, se sengwe boka re ipshina lehono fa go mabala a go kampa, fa ka Hot Springs, Arkansas. Gomme go be go le moketeko wo mogolo o kgatlampana, eupša go fapanana kudu go feta se mokete o lego lehono. Go be go le e ka ba dikete tše tharo tša Bafilisita ba lebeletše tlase go tšwa mathuding, go para ya go tlabla yeo e tsenego ka go arena ye kgolo, gomme barenantwa ba go hlomphega gagolo le bahumagadi ba bona ba go kgabišwa ka mabjebohlakwa bohole ba be ba dutše maemong.

⁵⁰ Gomme bjalo ka ge go bile nako yela, go bile le, oo, se sengwe boka kamora ya mašerumo yeo e bilego, moago o dutše godimo ga dipilara tše di ilego ntłe, se sengwe boka mohlomongwe mohuta wa sebjalebjale wa mohlami, mohla-... mohlami. Gomme Bafilisita ba bohole ba ba kgobokane godimo kua, gomme ba beile bonabeng bakeng sa tiragalo ye kgolo ye. Gomme ba be ba le ka go mokete wo mogolo wo, gomme mahlo ohle a be a beilwe bogare bjo bja arena. Ba swanetše go be ba eme, go hwetše tebelelo ye—ye kaonana ya tiragalo e be e le kgauswi le go direga.

⁵¹ Gomme bjale ge re dutše fa morago ga sekgalela se, a re boneng ge re ka kgona, ka monagano wa go eleletša, go ipea renabeng ka leemong lela, go lebelela go lefelotiragalo le. Re bona eng?

⁵² Go tla, go sepeleleng ntłe go ya bogare bja arena, go tla mošemaneyo monnyane, a swere seatla sa monna wa sefofu, a thitšwa, a thekesela go bapela. Ba be ba bile le dipontšho tše ntši tša kgabo, le—le manka a mannyane, le go ya pele; eupša bjale go fihlile nako bakeng sa tiragalokgolo, selo seo ba bego ba se letile botelele bjalo, tiragalokgolo ya letsatši. Makgoraditsela a be a fedile, diholo tše di bego di tletše lešata morago ga sekgalela sohle ka maipshino a botagwa. Ka gore, ba be ba keteka phenyo ya Dagone, modimohlapi wa bona, godimo ga areka le tshepišo ya Jehofa.

⁵³ A ponagalo ya kgobogo e lego, bjalo ka ge re ka eleletša selo se sebjalo se direga; wa modimodihlapi wa setšhaba sa bahetene, ba keteka phenyo godimo ga bahlanka ba Jehofa, bohole ka lebaka la go šitwa ga motho go phethagatša dilo tše a bego a beetšwe go di dira. Gomme fa go be go le mohetene, wa go tagwa, ba tlhagahletše, basadi ka mabjebohlakwa, difahlego tša go pentwa, mokete wa sebjalebjale wa Hollywood, go tliša mohlanka wa Morena Modimo, a tlenngwe ka ditlemong, bakeng sa tiragalokgolo ya morago ga sekgalela.

⁵⁴ Mohlankana o swanetše go be a be a gogile fale, e thekesela, go tla ntotolong ye kgolo ye ya nama ya motho, mahlo bobedi a gontšwe, moriri o lekeletše tlase ga mokokotlo wa gagwe, o tlemilwe le go tlengwa, go dira setlošabodutu bakeng sa ba go tagwa, sehlopha sa go tlhakgasela sa basedumele. O swanetše go be a thitšitšwe go kota moo ba bego ba eya go dira metlae e thome go tloga gona.

⁵⁵ Ge ke nagana ka seo, ke nagana ka kereke ye e beilwego ke Modimo, go direla Modimo se sengwe. Gomme e dumelitše lenaba go foufatša mahlo a yona go tloga go Lentšu la Modimo yo a phelago le Melao ya Modimo, le go mošomo wo o bego o beilwe ke Modimo go o dira; feela go ba sebapadišane ka go lefelo la go utama bakeng sa ba go tagwa, sefahlego sa go pentwa, ba go kgabišwa ka mabjebohllokwa, ba go apara dišothi, basadi ba moriri wa go kotwa, le monna wa lefase. Kereke ye e swanetšego go be e phadima ka maatleng le maatla a Morena! A kgobogo!

⁵⁶ Go goboga bjang go swanetše go ba go bile go Simsone! Ka modirelo wohle wa sebolego sa gagwe o lokišitšwe, wo o bego o feta go kgona, gomme o netefaditše Modimo o bile le maatla a Gagwe ka modirelo wa sebolego sa gagwe. Gomme ntikodiko ye nngwe le ye nngwe a kilego a ba le yona, go le bjalo e be e le ka mmeleng wa gagwe, eupša ditšhegofatšo tša Morena di be di moetgetše.

⁵⁷ Re ka no ba le modirelo wohle wa sebolego sa rena. Re ka no ba le ditirelo tša rena tša kerekeleina. Re ka no ba le maina a rena ka dipampiring le go diletša. Eupša ke a makala, lehono, ge eba kereke ya Pentecostal ga se e eme e ka ba lefelong la go swana, ka mahlo a yona a gontšwego go tloga go Lentšu la Modimo, le bakeng sa morero woo Jesu a o hwetšego, gore rena mmogo re ka kgona go kopanela go dikologa Lentšu le dilo tša Modimo.

⁵⁸ A gobošitšwe, o be a le, mo bogareng bja nako yeo a phetšego. Bjalo ka ge ke bona Simsone a eme fale, ke sekä, sekä sa sa go wa, setšhaba sa go senyega ka maitshwaro, le ya go wa ka maitshwaro, kereke ya go senyega. Gobane, bobedi o swantšhitše Israele bjalo ka setšhaba, le maatla a Modimo, e lego a kereke. Ka nnete e be e le ponagalo ya go šokiša, bjalo ka ge re mmona a eme kua. Morago ga tšohle, go tliša ga gagwe ntle fale, gomme mohlankana yo a mo etapele, gomme go se mahlo.

⁵⁹ Ge lenaba le ka no kgona go foufatša mahlo a lena go tloga go selo sa kgonthe sa Modimo, o tla sepela thwi ka godimo ga ntlhora ya yona gomme wa se e tsebe. Ga go kgathale se Modimo a se dirago, le go se hlatsela ka Lengwalo la Gagwe, le go se netefatša ka maatla a Gagwe; ge mahlo a gago a se a bulega go dilo tša Modimo, o tla sepela thwi godimo ga yona ka fao o ka bago.

⁶⁰ Gomme šole o eme. Kafao go swanetše go ba go bile nako ya go tšea mohemo, bjalo ka ge masole a a go tagwa le basadi,

ka digalase tša bona tša khoktheile ka seatleng sa bona. Ke kgona go e kwa e kuuwa go kgabaganya diholo, "Kafao yo ke Simsone, monna yo maatla wa Modimo, monna yo maatla wa bogale, mohlabani yo mogolo," a eme ka seemong sela. Ke tla eleletša, ka bahlabani bale ge ba eme ka matsogo a bona go dikologa baratani ba bona ba sebjalebjale ba Hollywood, le dibenyabenyan tša bona tše kaone di benyabenya, maloko a kereke ye kgolo ye ya Dagone. Ke a eleletša ba bangwe ba bona ba kgona go elelwa, gore ka leina la Simsone, lona leina la gagwe le ba šikintše. Lona leina la gagwe le tlišitše—le tlišitše poifo godimo ga bona, ka gore o be a tloditšwe ke Modimo. Ba bantši ba bona ba e gopotše.

⁶¹ Bontši bja bona masole ba eme fale, ba kgonne go elelwa ba mmona a eme ka lerapo la mohlagare la mmoula ka seatleng sa gagwe, Bafilisita ba sekete ba ba hwilego ba robetše kua. E ka direga bjang? Ge lerapo la mohlagare la moula le betha ye nngwe ya dikokoro tšela, ka go direga intšhi le seripa bokoto, bja mphiri wa go kgwahla; gobaneng, o ratha sekokoro sela ka lerapo la mohlagare wa moula, mohlagare wola wa moula o tla fofa ka diripana. Eupša Simsone, ka maatla a Modimo godimo ga gagwe, a itiela Bafilisita ba sekete fase, a robaka dikotse tša bona le go ba robatša ka...maotong a gagwe. Ke a eleletša bontši bja bahlabani bale ba be ba tšhabile nakong yela, ba eme morago godimo kua gomme ba elelwa. "Gomme yoo ke Simisone?"

⁶² Ba elelwa go boneng lerapo la mohlagare ka seatleng sa gagwe, le go re, "Ke mang gape a nyakago tše dingwe tša se?" O be a le monna yo a bego a kgona go bolela. O be a le monna yo a bego a tloditšwe ke Modimo. Modimo o tshepišitše go mo šegofatša. O be a le ka maatleng a Jehofa.

⁶³ Oo, ga go pelaelo go na le ba bantši fa ba kgonago go elelwa morago ge kereke e eme ka go mohuta wola wa maatla, eupša bjale yohle e šwalalane. Mehuta yohle ya dikerekemaina, ye tee e lwa ye nngwe ye tee. Dikopano tša thapelo tša kgale tša bošego bjohle ga di sa kwewa gape. Dikopano tša mekgotha ka go felela di ile. Di timeletše. Go le bjalo, re na le sebopego sa renar, re na le mošomopeakanywa, eupša Modimo wa mehlolo o kae? Gabotse, ba bantši ba a Le gana, ebile ba gana phodišo Kgethwa, ba bantši.

⁶⁴ Thwi fa ka go naga ye, ke bile le mo—mo monna wa kereke, le kereke ye kgolo, o boletše. Ke be ke nyaka go hwetša madulo a mangwe, go bea mo ka Hot Springs, ka Sešoleng ge ke be ke le mo, nna le Ngwanešu Moore. Gomme monna wa Mopentecostal o rile, "Ebile nka se dumelele..." A ka se ntumelele go ba le madulo. O rile, "Nka se dumelele e ka ba mang go dula ditulong tša ka, yoo a dumetšego go phodišo Kgethwa." Seo ga se feela mo; ke mogohle. Bothata ke eng? Go kgethologanya, ka baka la bathekgi ka tšhelete le mekgatlo ye mengwe, go lebala gore re

batho ba Modimo ka Tswalo. Simsone o be a lebetše seo, le yena. Ke tla gopola . . .

⁶⁵ Ke a thanka, ge a be a eme fale, go be go le ba bangwe ba bona ba eletšwe bošego bjola ka Gasa, ka fao gore monna a ka kgona go topa dikeiti tša Gasa, a di bea godimo ga magetla a gagwe, ge ba lekile go mo fentshela ka gare.

⁶⁶ O ka se kgone go fentshela tlotšo ya Modimo ka gare. Ga go mokgatlo o ka kgonago go e swara. Modimo o phološa bao A ba biditšegeo. “Bohole Tate a mphilego ba tla tla.”

⁶⁷ Gabotse, ba naganne ba mo fentshetše ka gare. Gomme a topa dikeiti gomme a di bea godimo ga magetla a gagwe, gomme a sepela, a ya godimo ntlhoreng ya thaba gomme a dula fase. Dikeiti tše kgolo tša mphiri tše di tla imelago ditone, gomme mo—mo monna yo monnyane a di goga go tšwa matlapeng, a di phutha godimo le go di bea godimo ga legetla la gagwe, le go sepelela godimo ga thaba le tšona; ge e ka ba eng e bego e eme ka tseleng ya Modimo.

⁶⁸ Ba bantši ba bona ka go tlakanantswiki yela ya botagwa ba kgonne go gopola seo ka Simsone. Eupša bothata e be e le eng lehono, ga se a ke? Fao go be go eme Simsone, eupša Moya wa Morena ga se wa tla godimo ga gagwe gape. O be a se a tlotšwa. O be a hlobotšwe maatla a, ke mosadi yo a bego a mo gokeditšegeo go tloga go Melao ya Morena.

⁶⁹ Ke a makala, lehono, ge seo e se se sengwe go swana le dikereke tša rena. Le a bona? *Mosadi*, ka Beibeleng, o emela “kereke.” Gomme ke a makala ge eba ga se ra theetša kgoketšo ya dikerekemaina tše dingwe, re lekile go ruta badiredi ba rena ka go gra—grata Bachelor ya Bokgabo, gore phuthego ya rena e kgone go re, “Modiša wa rena o na le B.A., D.D., goba L.D.” Ke a makala ge eba ga se ra ya thoko ka mantladima tsoko a magolo, go leka go aga kereke ye e lego kaonana gannyane go feta Methodist goba Presbyterian? Re tla ba kaone kudu ka go boromiwa tsoko, ka Moya wa Modimo godimo ga rena, go feta re tla ba ka go seemo se. Ke a makala ge eba ga se ra tšwa le go goga go tloga go yo motee go ya go yo mongwe, go leka go dira mekgatlo ya rena e gole? Gomme re na le, re na le sebopego se segolo, eupša Moya wa Morena o kae?

⁷⁰ Sole o eme, a hlobotšwe ke mosadi. Ke eng se swanetšegeo go be se ile go kgabola monagano wa monna yola ge a be a eme fale? O bile le nako go e nagantšiša.

⁷¹ Ke a holofela kereke e hwetša nako yeo ye ntši. Ke ofe a lego bontši go lena, bontši bja milione goba tšhegofatšo ye e tibilego ya Modimo ka soulong ya lena? Re purupuditše . . .

⁷² Gomme nka kgona go ba le dilo tše dintši gape tše di ngwadilego fa, ka ga marena ale le se Simsone a se dirilego, se ba bego ba se nagana.

⁷³ Bjale a re yeng tlase go Simsone. Gomme le nagana ke eng e bego e eya go kgabola monagano wa gagwe, ka diphenyo tše ntši tše a bilego natšo, dilo tše ntši tše kgolo tše a di dirilego ge Moya wa Morena o be o le godimo ga gagwe? Eupša o be a na le letsvalo gore o be a na le segoba se sengwe le se sengwe, eupša Moya wa Morena o be o se gona.

⁷⁴ A nke ke le botše se sengwe, kereke. Le se leke go tšoena kereke ye botse kudukudu, sehlopha sa go ela. O dula le Kriste, moo Moya wa Morena o lego.

⁷⁵ Gona o swanetše go be a naganne ka diphenyo tše kgolo tše Modimo a mo filego, le dinako tše ge mahlo a gagwe a be a bulegile, gore o be a kguna go bona ditshepišo tše Modimo. Eupša bjale, ge e sa le a tantšwe ka go selo se, mahlo a gagwe a gontšwe.

⁷⁶ Batho ba bantši kudu, lehono, ba tantšwe ka go diphoro tše monagano, ga ba tsoge ba nagana go puruputša Lengwalo, go bona ge eba ke nnete goba aowa. Ba bangwe ba leka go re, "Ga e dire phapano ye e itšego."

⁷⁷ Paulo, ka go Ditiro 19, o naganne e dirile phapano. Gomme o rile, "Ge Morongwa go tšwa Legodimong a rerile e ka ba selo se sengwe, a nke A be morogakwa." Le a bona? Le a bona? E dira phapano.

⁷⁸ Bjale re bona Simsone a eme fale, ka fao a naganago ka dilo tše a kilego a di dira ka Mmušo wa Modimo. Le ka fao Modimo... O be a šitetše Modimo, gomme o šitetše batho ba Modimo. Ee, mohlomphegi. Bjale ke mogolegwa wa sona setšhaba se Modimo a mo tsošeditšego godimo go se senya.

⁷⁹ Ke nyaka go ba lebopong mo motsotso. Pentecost, le a tseba ke a le rata. Ge ke etla go lena, Jack Moore, Richard T. Reed, Ngwanešu G. H. Brown, Ngwanešu Ben Pemberton, le monna yo mongwe yo mogolo, go hwetsa dilo tše le bilego natšo, go bonagetše gore re be re ne bontši kudu go swana go fihla re be re le boka tlelafo ye e swanelago ka seatleng; ke lekanelia le lena thwi. Ka gore Molaetša, ka go se tsebe gore fao go be go le kereke ye bjalo, ye ke bego ke dumela ka go yona, fa go be go le sehlopha sa batho se šetšego se O amogela. Ke sa le Ngwanešu Branham. Ke sa le ngwanabolena, gomme ke a le rata.

⁸⁰ Eupša a le a lemoga, sona selo seo Modimo a le tsošeditšego sona, le ineetše go sona. Modimo o le tlišitše go tšwa go yona mekgatlo, mengwaga ya go feta, go dira batho go tšwa go lena, gomme le retologile go dikologa le go breakanya selo feela sa se Modimo a le tlišitšego ntle go se fenya.

⁸¹ Ke hlohla motho mang kapa mang go ntaetša lefelo lefe kapa lefe ka historing, ge e sa le kereke pele e kgatlofatša, e bego e le kereke ya Roma ya Katoliki, ka Laodikia, goba Nicaea, ke ra gore, Roma, ge kereke ya Katoliki e kgatlofatšwa le go dirwa mokgatlo. Gomme a go kereke e ka ba efe go tšwa go Martin Luther, lehlakoreng le...

⁸² Ge Modimo a file Martin Luther kutollo ya tokafatšo; gomme, ka pela ge Luther a sepetše, ba dirile mokgatlo go tšwa go yona, gomme ya wa. Go latela go tlide Wesley, ka morago ga gagwe, le Asbury, le go ya pele, ba tlogetše; ba dirile mokgatlo go tšwa go yona, gomme ya wa. Go bapela gwa tla Alexander Campbell, gomme ya wa, ka mokgatlo. Go latela gwa tla John Smith, bakeng sa Baptist, gomme ya wa. Gomme nako le nako ge monna a lekile go breakanya se sengwe, sa tshepedišo ya madirwakemotho, se wele gomme ga se sa ke sa tsoga gape. Ga go histori, ga go felo, moo kereke e ka ba efe e kilego ya kgatlofatšwa, eupša e welego, gomme ye nngwe le ye nngwe e wele, ga se ya tsoge ya tsoga gape.

⁸³ Bana ba Israele, ka sekai, ba be ba swanetše go latela Pilara ya Mollo. Gomme bošego bjo bongwe le bjo bongwe ba swanetše go ba komana, e sego go kgatlofatša le go dula fase mo, eupša go sepela le Mollo.

⁸⁴ Seo ke se Modimo a nyakago batho ba Gagwe ba se dira, ba sepela le Moya, ba sepela le nako!

⁸⁵ O re, “Gabotse, Ngwanešu Branham, re bile le mehuta yohle ya dipula, le dipula tša ka gare le pula ya ka ntłe.” O hlalefile. Ga ke kgathale ke mohuta ofe wa kutollo e lego, le ka fao e bogegago gabotse, ge e se go ya ka Lentšu la Modimo, e tlogele e nnoši. Ye ke polane go kgabola lešoka, Lentšu la Morena.

⁸⁶ Eupša mo go eme kereke lehono, kereke ya Pentecostal, ka go e ka ba ye masomepedi goba masometharo mekgatlo ya go fapano, o mongwe le o mongwe o bitša o mongwe, *se, sela* le *se sengwe*, “sehlaga sa magokubu,” le go ya pele. A kgobogo, ge sona selo se Modimo a le gogile go tšwa go tšona dikerekemaina, le retologile go dikologa le go dira sona selo sa go swana seo ba se dirilego. Seo ke tlwa se Simsone a se dirilego. Modimo o tsošitše Simsone go senya setšhaba. Gomme Modimo o le tsošitše bakeng sa batho, e sego mokgatlo.

⁸⁷ Eupša ge Modimo a thomile Israele go tloga... go tšwa Egepeta, ba be ba le feela e ka ba leeto la matšatši a lesome go tšwa nageng ya tshepišo, e ka ba dimaele tše masomenne. Eupša ba dutše ka lešokeng lebaka la mengwaga ye masomenne. Gobaneng? Mogau o be o ba file kwana bakeng sa dibe tša bona, lebollo la leswao, Pilara ya Mollo bjalo ka hlatse, Moshe bjalo ka moprofeta. Mogau o be o file se sengwe le se sengwe ba bego ba se hloka, eupša ba be ba nyaka se sengwe go se dira bonabeng.

⁸⁸ Ba be ba sa tsebe, ge Miriamo a be a bina ka thamporini, gomme bana ba Israele ba bina le yena, gomme Moshe a opela ka Moya, ba be ba le feela matšatši a lesome go tšwa nageng ya tshepišo. Ba be ba sa tsebe, mengwaga ye masomenne, gomme ditoto tša bona di be di tla bola ka lešokeng. E dirile eng? Israele e dirile sephetho sa yona sa phošo kudukudu e kilego ya se dira, ge e amogetše molao sebakeng sa mogau, ge ba be ba nyaka go

dira dipišopo tsoko le se sengwe sa bona beng, se sengwe ba bego ba swanetše go se dira ka go sona. Modimo o be a le magareng ga bona, a ba hlahla.

⁸⁹ Gomme seo ke tlwa se Pentecost e se dirilego. Ge Modimo a utolotše se sengwe se seswa ka Lengwalong, golebjalo ba e biditše ditaba tše mpsha goba e ka ba eng le nyakago go dira ka yona. Eupša ge Modimo a utolotše se sengwe, sebakeng sa go amogela Therešo le go E leka ka Beibele, ba gogetše ntle le go dira mokgatlo, ba ikarogantše bonabeng. Gomme ka gona go latela go tla *se, sela, le se sengwe*, gomme bjale o ema o senyegile, kereke ya Pentecost, e tlemilwe ka go ditlemo tša mokgatlo. Selo se Modimo a go tsošitšego go se senya, gomme bjale o no ba o beakantswe bjalo ka ge ba le. Banna ba bomodimo ka go wo mongwe le wo mongwe wa yona, le basadi; yeo ke therešo, yo mongwe le yo mongwe wa bona.

⁹⁰ Gomme rena re, yo mongwe le yo mongwe, re molato. Pitša e ka se bitše ketlele gore ke ye ntsho. Bohle re molato, yo mongwe le yo mongwe wa rena, lena oneness, twoness, threeness, le—le e ka ba eng le ka bago. A kgobogo! A kgobogo ye o e tlišitšego godimo ga Jesu Kriste! A kgobogo go leina la pentecost! Ba tlišitše kgobogo ye ntši kudu go fihla e eba leina la kgobogo, go nyakile. Batho ga ba nyake go ikamanya ka bobona le leina le le bjalo. Ke ka baka la gore o dirile se o bego o se wa swanela go se dira. Gomme go ya pele le go latela ditaelo tša Morena, go swanetše go ba ngata e tee ye kgolo ya Modimo, go matšha go ya pele go ya go phenyo, lehono.

⁹¹ O dumelotše mosadi go mo gokagoketše go tloga go Lentšu la Modimo, bjale o ema a direla diabolo manka. Yeo ke nnete. Feela tlwa.

⁹² Selo sa go swana se a direga lehono, go dumelela Isebele, “mmago bommalegogwana.” Kutollo 17 e bolela gore o be a le “mmago bommalegogwana.” Bjale, ge a le seotswa, yoo ke—yoo ke mosadi yo a phelago go se rereše go monnamogatša wa gagwe. O tteleima Kriste Monnamogatša wa gagwe, gomme ga a phele ka Molao wa Gagwe.

⁹³ Gomme dikereke tše dingwe di dira eng? Seotswa ke eng? Ke selo sa go swana le se sengwe. Ke eng? Bommalegogwana go Lentšu la Modimo. Gomme o be a le “mmago bommalegogwana.” Le go dumelela thuto yela ya Isebele, le go ya pele, gobane sehlopha sa monna wa bohlale, yo a nyakago go tla mmogo le go kgatlofatša se sengwe gore ba kgone go ba le maina a magolo bonabeng. Gomme fao go eme kereke, go aroganya boena. Oo, eng, a kgobogo bošegong bjo!

⁹⁴ A selo sa go šiiša se lego, go foufala semoyeng. “Oo,” le re, “gabotse, ga ke sefov semoyeng.” Ditiro di bolela kutšwana go feta mantšu; netefatša gore o sefov ka tsela ye o thetšwago godimo ga dilo. Le a bona?

⁹⁵ Bjale, elelwang, theipi ye e a dirwa gomme e tla romelwa go dikologa lefase. Le a bona, gomme ga ke bolele kudu thwi mo, eupša se se ya go e ka ba ditšhaba tše lesomešupa tša go fapan, ntle ka masoding le mogohle.

⁹⁶ Go foufala semoyeng! Go foufala go eng? Lentšu la Modimo, therešo ya Modimo. Mokgatlo wa lena o ka se dumelele . . .

⁹⁷ Badiredi ba bakaone bao ba tlago go nna, le go re, “Ke dumela seo go ba Therešo, Ngwanešu Branham, eupša ge ke rerile Yeo . . .” Bjale, ke lena bao. “Ge ke dumetše Seo, gabotse, batho ba tla . . .”

⁹⁸ Ga ke kgathale se batho ba se bolelago, ga ke kgathale se mokgatlo o se bolelago; ke se Modimo a se boletsego go ba Therešo. Gomme ge e le Therešo ya Modimo, Modimo o tla e thekga. O ka letela bjang go ba le tumelo ge o na le ditlhologelo go hlompha yo motee go tloga go yo mongwe? Le a bona, go tsea tumelo go tloga go wena.

⁹⁹ E ile morago go dikerekemaina, Pentecost yeo e tswetšwego go tšwa go kerekeleina. Pentecost ga se ya tswalwa ka go kerekeleina; e tswetšwe *ka ntle* ga kerekeleina. Gomme mahlajana a Sathane a go gogela thwi morago ka go wona, moo o tšwago gona, “Bjalo ka kolobe e ile go leraga la yona, gomme mpša e eya go leraga la yona.” Bjale ba lebeleleng, ba fentšwe!

¹⁰⁰ Re swanetše go be re šetše re le godimo ka nageng ya tshepišo. Jesu Kriste o swanetše go ba wa go bonagala magareng ga rena, go fihla fao go ka se be bolwetsi bjo bo itšego. Oo, e tla ba bja letago.

¹⁰¹ Fao ga gwa swanelo go ba basadi ba meriri ya go kotwa, go apara diroko tša šothi. Gomme—gomme ga gwa swanelo go ba monna yo a nyetšego makga a mararo goba a mane, matikone ka kerekeng ya rena. Gomme le se ke la mpotša gore ga e ka go Pentecost; ka nnete ke yona. Eupša ke ka baka la maemo a leago. Ga ya swanelo go ba, eupša ke yona. Gobaneng? Ka baka la dikgogedi tša kerekeleina, tša sepolitiki, tšelete, sebakeng sa go sepedišana le Lentšu. Go kgafela ntle ngwanešu yo mongwe yo bohlokwa, le go bea yo mongwe godimo ka gore o na le maemo a magolo a leago ka toropong.

¹⁰² Ke nyaka monna yo a nago le maemo a leago ka Letagong. Ge a sa tsebe boABC ba gagwe, e dira phapano efe? A le tseba se ABC a se emelago? Ka mehla dumela Kriste. Yeo ke nnete. O ithuta seo.

¹⁰³ Monna yo mongwe o tlie go nna, e sego kgale kudu, gomme a re, “Ngwanešu Branham,” kudu . . . yo mongwe wa badiredi ba go tsebega bokaonekaone ba Pentecostal ka nageng. O ntšeetše ka kamoreng ya gagwe, o rile, “Ke nyaka go go rapelela.”

Ka re, “Ga ke babje.”

O rile, “Ke—ke a go rata.”

Ke rile, "Seo se ikwelwa mmogo."

¹⁰⁴ O rile, o mpoditše, o rile, "Gobaneng o sa tlogele go botša bona basadi ka moriri wa bona wa go kotwa le mohuta wohle wo wa dilo, le mabapi le kereke?" O rile, "Yeo ga se taba ya gago."

Ke rile, "Ke ya mang gona?"

¹⁰⁵ O rile, "Go tla tla go phethega gore o ka se be le selo eupša sehlopha sa dikota go rera go sona."

¹⁰⁶ Ke rile, "Bokaone ke dire seo gomme ke rere Therešo, go phala go itšimeletša ka diabolo." Le a bona? Le a bona?

¹⁰⁷ O rile—o rile—o rile, "Ngwanešu Branham, a Modimo ga se a go biletša go rapelela balwetši?"

Gomme ke rile, "Ee, mohlomphegi."

O rile, "Batho ba go dumela go ba moprofeta."

Gomme ke rile, "Gabotse, seo—seo, ga se nke ka bolela seo."

¹⁰⁸ O rile, "Eupša ba go dumela ka tsela yeo." Gomme o rile, "Ge o le moprofeta, gobaneng o sa tsee nako ya gago go ruta batho ka fao dimpho tša semoya, le mokgwa wa go fodiša balwetši, le—le mokgwa wa go dira tše, go hwetša dimpho tše tša semoya, le go thuša kereke sebakeng sa go ema kgafetšakgafetša, go kgakgamolla basadi, le go kgakgamolla monna, le dilo tše bjalo ka tše?" A re, "Gabotse, ke ka baka la eng o sa ba tlogele ba nnoši?" O rile, "Gobaneng o sa ba rute se sengwe se segolwane go feta moriri wa go kotwa le dilo, gomme wa tlogela tše di nnoši?"

¹⁰⁹ Ke rile, "Nka kgona bjang go ba ruta dipalontshetshere mola eibile ba sa tsebe diABC tša bona? Yeo ke nnete. A nke ba ithute diABC tša bona pele."

¹¹⁰ Modiredi wa kgale o ile gomme a rera tokafatšo ka tsošeletšong, bošego bja bobedi, bošegong bja boraro, bja bone bošego, bošego bja bohlano. Matikone ba mmileditše ntle, gomme ba rile, "Moruti, a ga o tsebe go feta thero ka tokafatšo?"

¹¹¹ "Oo, kgonthé. Eupša a nke bohole ba lokafatšwe pele, gomme morago re tla rera se sengwe gape." Yeo ke nnete.

¹¹² Oo, ge o ka kgona feela go boela morago go motheo! Fao go be go eme Simsone, a fentšwe.

¹¹³ Bjale lebelelang, re ka no ba ba ba botsebotse, go ka no ba bjalo. Eupša go no swana le ge ke be ke etla go theoga tsela letšatši le lengwe, ke bone lesswao le legolo, le rile, "La ga Funk, lehea la motswako," e be e le le legolo bjang. Eupša ga le ne mohola. Le no hloka mohola boka le ka ba, gomme le bolaya setšhaba. Le bala ka lona, Reader's Digest, "Ge basadi ba tšwelapele ba eja kgomo ya motswako le lehea, le dilo, ba ka se kgone go ba le lesea ka go mengwaga ye masomepedi go tloga bjale." Ga go na mohola ka go lona.

¹¹⁴ Motswako ke eng, semela sa bolaogofiša? Ge e se semela sa setlogo, o swanetše go tšwelapele o se peita nako yohle, go raka

dikhunkhwane go sona. Dikhunkhwane di tla se ja. Eupša ge e le semela sa setlogo, ga wa swanela go se peita. Semela se sebotse sa go phelega, khunkhwane e ka se gogobe godimo ga sona.

¹¹⁵ Seo ke se e lego taba, o swanetše go tšwelapele o pepetletša batho ka kerekeng, "Letago go Modimo, kgaetšedi," le a bona. O motswako, o tlišwa ka gare ka tsela ye nngwe.

¹¹⁶ O tšea lehea lela la motswako gomme wa le bjala, gomme ke eng o se hwetšago? Ga go selo. Ebile le ka se dire selo.

¹¹⁷ Kereke ke ye botse lehono, yeo ke therešo, meago ye megolo go feta o kilego wa ba le yona, diphuthego tše kgolokgolo kudu o kilego wa di rerela, badiredi ba bakaone ba go hlalefa go feta ka fao o bego o na le. O be o fela o eba le monna ka ntle ga tšhemyo ya lehea felotsoko, yo Modimo a mmileditšego ntle kua godimo ga mogola wa leswielo. Eupša bjale le rometše bana ba lena sekolong, gomme le dirile ditlogolwana go tšwa go bona, le go tla morago le tšohle tša Ph.D, le LL.D. Gomme le ye nngwe ya dikereke tše kgolo tša Pentecostal lehono, pele ba romela monna mašemong a boromiwa, o swanetše go ema pele ga setsebi sa menagano go bona ge eba o hlalefile go lekanelia. Naganang ka yona!

¹¹⁸ Ka go Pentecost, senyakwa e be e se teko ya monagano, e be e le teko ya Moya wo Mokgethwa wo o wetšego fase ka Letšatši la Pentecost. Seo se tšwele potšišong go batho lehono.

¹¹⁹ A le be le tseba kereke ya Katoliki ya Roma pele e be e le kereke ya setlogo ya Pentecostal? Go e tšere mengwaga ye dikete tše pedi go tsena ka go seemo e lego lehono. Ge mokgatlo wo wa Pentecostal o tšwelapele mengwaga ye mengwe ye masometlhano, go tla befa kudu go feta kereke ya Katoliki. Yeo ke nneta. Sebe se pakelana ka lehlakoreng le lengwe le le lengwe! Bjale le ka no se nagane gore ke . . . Le ka no nagana ke a tsenwa, eupša ke tseba mo ke lego. Le a bona? Gomme ke therešo. Le no leta gomme le tla hwetša. Ee.

¹²⁰ La motswako, lehea la motswako, le dira basadi go sese fala matheka a bona le go dira magetla a mphaphathi, le go ya pele.

¹²¹ Ebolušene e be e fela e re botša seo, ka go ebolušene, gore diphoofofolo tše rilego di tlide mmogo le go hlola se sengwe go fapania, le se sengwe go fapania, e tlide godimo ntle go motho. Ba tšwetšepele ba puruputša go dikologa go fihla ba ganeditše teori ya bona beng.

¹²² A nke ke le botše se sengwe, lena balemi fa. Ke eng e dirago moula? Yena ke phoofolo ye mpempe lefaseng. Ke motswako. Ga o na le bohlale, sa mathomo. O ka se kgone go mo ruta selo. O tla leta bophelo bjohle bja gagwe, a hwetša go go raga feela pele a ehwa. O ka se kgone go mmotša selo. Ke eng? Gobane ke motswako.

¹²³ Go no nkgopotša ka Bakriste tsoko ba motswako, ba bitšwago bjalo. O ka leka go botša moula wa kgale se sengwe, o tla ema le ditsebe tša gagwe, a sepela, “Ho! Ho! Ho!” Le a bona? Tšohle a di tsebago ke go ngoutša le go ya pele. O ka se mmotše therešo le go mo ruta selo. Yeo ke tsela ye batho ba. Ba botše ka Kriste, wa go swana maabane, lehono, le go ya go ile, “Ho! Ho! Matšatši a mehlolo a fetile,” go lla ga seminari tsoko ye re ithutilego. Ke motswako.

¹²⁴ Moya wo Mokgethwa o tla feleletša molao wo mongwe le wo mongwe wa Modimo ka “amene.” Woo ke moya tsoko wa seminari o hengwago go tšwa go yena. E sego go ngoutša kgahlanong le Lentšu la Modimo, ge e le Moya wo Mokgethwa. O tla le feleletša “amene.” Le a bona?

¹²⁵ Le a tseba, ke nagana moula o hloka tsebo. Eupša le a tseba ke eng? Ga a kgone go bolela gore tatagwe e be e le mang goba mmagwe e be e le mang. Le a bona, tatagwe e be e le tonkitona ye nnyane, mmagwe e be e le peretshadi, eupša ga a kgone go tswala. O fedile.

¹²⁶ Semela ga se kgone go itswala morago. Tšea bioletē ye tšhwē le bioletē ye bolou, e tliša bioletē ya gago ye pinki; e bjale makga a mabedi goba a mararo, e tla tla morago e ka ba e tšhwē goba e pinki, le a bona.

¹²⁷ Seo se a netefatša, le a bona, ga se ba tsoge ba tla ka mokgwa woo. Modimo o rile, “A nke se sengwe le se sengwe se tliše pele peu ya sona mong,” gomme yeo ke tsela ye e dulago. Motho o dirilwe ka seswantšho sa Modimo, e sego kgabo. Le a bona? Selo sela sa bogafa!

Hlokamelang, le a tseba, go hloka tsebo ga moula. Eupša le a tseba ke eng? O ka se kgone go mmotša selo. Ke hlogothata.

¹²⁸ Eupša ke nagana pere ya motswalothwathlwa wa kgonthe, oo, nna, o a tseba mamagwe e be e le mang, papagwe e be e le mang. Ke tswalothwathlwa. O tseba bohle borakgolokhukhu ba gagwe le se sengwe le se sengwe, ka gore o na le tswalothwathlwa.

¹²⁹ Ke ka tsela ye go lego bakeng sa ba motswako, ba ba bitšwago Bakriste. “Matšatši a mehlolo a fetile. Gabotse, rena Mapresbyterian, rena Mamethodist, rena *semangmang*, ga re dumele Še. Rena mathrinithi, rena *semangmang*, ga re. Ga re dire se.” Le a bona, ga o tsebe mo o emego.

¹³⁰ Eupša wa mmapale wa go tswalwa gape Mokriste wa tswalothwathlwa go tšwa Pukung ya Ditiro, o tseba tlwa mo a emego. O tswetšwe ka Moya, gomme še tswalothwathlwa ya gagwe. O tšwa go lekala la Modimo. E tla tšweletša selo sa go swana nako le nako.

¹³¹ Ga go makatše, kereke e botsebotse kudu. Eupša bothata ke eng? E feletšwe ke Moya. E itswalantše yona mong go fetša, le

lefase. E lesa basadi ba apare dišothi. Go raloka piano, e ba lesa ba apare meikapo. E lesa monna a nyale makga a mane goba a mahlano, gomme a sware lefelo la bona, boemo. Tšohle dibopego tše tša dilo tše ba yago go di kgabola, feela tlwa se Lengwalo le se boletšego. O no ba a fentšwe kudu bjalo ka ge Simsone a bile. Feela tlwa. Ee, mohlomphegi.

¹³² Oo, bjalo ka ge Simsone a naganne! Nka no . . . Ga ke nyake go le swarelela botelele kudu; ke tla tshela tše dingwe tša dihlogo tše fa. Bjalo ka ge Simsone a swanetše go be a eme fale gomme a naganne ka phošo ya gagwe, le moo a ka bago!

¹³³ Elelwang Israele. A nka kgona, a le tla ntshwarela motsotso, go ya morago go Israele? A le a tseba ke eng, ba dirile eng mengwaga yela ye masomenne ge ba dirile mokgatlo wa bona ntle kua? Sebakeng sa go ya pele go kgabola, go hlahlwa ke Pilara ya Mollo, Morongwa wa Morena, yo a bego a le Kriste, sebakeng sa go ya pele go kgabola le go Mo latela. Ka go e ka ba matšatši a lesome, ba be ba tla ba ka go tshepišo ya go tlala. Eupša le a tseba ke eng, “Ba tlaramile ka lešokeng,” Beibele e boletše.

¹³⁴ Ba tla Kadese-banea, e bego e le setulo sa kahlolo, gomme fao ge ditlhodi di etla morago le go bolela ka naga. Ba rile, “Re ka se kgone go e dira.”

¹³⁵ Kalebe le Joshua ba rile, “Re ka godimo ga go kgona go e dira,” ka gore ba be ba lebeletše tshepišo ya Modimo, e sego se maemo a bego a le sona.

¹³⁶ “Re ka se kgone go ba le kereke ntle le go ba le mokgatlo.” Gabotse, ga o bone se Modimo a se boletšego. Yeo ke nnete.

¹³⁷ Ba dirile eng? A Modimo o ba šegofaditše? Kgonthe, kgonthe. Ba tlaramile gohle. Ba nyetše basadibagatša. Ba bjetše mašemo a morara. Gomme ba bile le masea, gomme ba oketsegile. Gomme ba dirile botse ka lešokeng. Yeo ke nnete. Eupša go le bjalo ba be ba se ka tšhegofatšong ya go tlala.

¹³⁸ Kafao ge bohole ba ba dirilego sehlopha se segolo se sa mokgatlo, “balwi ba kgale” e be e bitšwa, go lokile, Modimo o ba dumelitše ba dule fale go fihla yo mongwe le yo mongwe wa bona a ehwa. Gomme ka gona O thomile ka moloko wo moswa, ka tlase ga boetapele bja Joshua, yo a dumetšego Lentšu, amene, gomme o ba tšeetše go ya nageng ya tshepišo.

¹³⁹ O Modimo, a nke moloko wo moswa wo wa Mapentecostal o hwetše po—o hwetše pono. Le a bona, ba ile pele go naga ya tshepišo. Re swanetše go ba moo re nago le mehuta yohle ya dimpho tše Modimo.

¹⁴⁰ Re boletše ka maleme. Yeo ke nnete. Yeo e kaone. Ga go selo kgahlanong le seo. Moshe o tshetše Lewatle le Lehubedu; lenaba le bolailwe ka morago ga gagwe. Re—re—re leboga seo. Eupša seo e sa no se be sohle sa yona.

¹⁴¹ Ke gannyane gakaakang botate le bomme ba lena ba nagannego ge ba be ba eme ntle kua le go thunya dithunya go kgabola mafastere go bona, gomme bona ba bina ka Moya, gore bana ba bona ba ka tsoge ba tla go se? Eupša e dirile.

¹⁴² Eupša go na le moloko wo moswa o tlagu pele bjale. Moriri wa Simsone o goletše ntle. Le a bona?

¹⁴³ Šetšang! Le se tsoge la dumelela Delila go tsoge a le loga morago ka go se sengwe boka seo. Uh-huh. Dulang kgole le yona. Seo ke selo se se le rogakilego. Le tsošeditšwe go se ahlola. Gomme ke lekile bokaonekaone bja ka go e dira, le ge ke eme ke nnoši. Eupša ke lekile bokaonekaone bja ka go ema go Melao ya Modimo. Ke bona kereke e eme fale, e hlobotšwe maatla a Modimo, e hlobotšwe ditšhegofatšo thososo, e hlobotšwe dimpho.

¹⁴⁴ Gomme Modimo o tla tšhollela mpho ya Gagwe fase. Ba re ba re, “Seo ke go bala monagano, go bala monagano,” ge ba swanetše go be ba O gokarela. Le a bona? “Gabotse, o godimo ka go Oneness bjale. Aowa, seo ke, seo se ka no ba, ka gore, oo, ba be ba le *se, sela, goba se sengwe*.” Le a bona? Oo, ge feela le ka be le tsebile letšatši la lena! Le se Le dumelele go le feta. Ye ke iri, go kopana ka go Kriste. Hlokamelang.

¹⁴⁵ Simsone a eme fale, a nagana ka phošo ya gagwe, dilo tše o di dirilego. Bjale a le lemoga se se mo dirilego go ba ka tsela yeo? Lenaba le gontše mahlo a gagwe.

¹⁴⁶ Gomme seo ke selo sa pele seo mokgatlo o tla se dirago, o tla gonya mahlo a gago go kopanelo e ka ba efe eupša bona ba gago mong. Amene. Nka kgona go bolela dilo tšohle tše dintši thwi fale, eupša nka—nka se e dire. Eupša wena, ge o ne monagano wa semoya, o tseba se ke bolelago ka sona. E tla gonya mahlo a gago! Feel a wena le sehlopha sa gago; ge o le Momethodist, o no ba Momethodist; ge o le Mobaptist, o no ba Mobaptist. Ge o le Mopresbyterian, o . . . Ge o le Mooneness, ge o le Motwoness, ge o le Mothreeness, goba ke bontši gakaakang ba nago, le a bona, o no ba seo. “Ka moka ga bona ga se ba loka.”

¹⁴⁷ Baptist e bile le selokene ka matšatšing a Billy Graham matšatšing a pele, masomenne. . . . “Ka ’44, milione go feta.” Le hweditše eng? Sehlopha sa go kgoga sekerete, baikaketši ba go tšoena kereke.

¹⁴⁸ Ge Billy, ka boyena, ge ke be ke le difihlolong tša gagwe, o rile, “O a tseba gore molato ke eng?” O rile, “Mohlala šo.” O rile, “Ke tla ya ka gare. . . .” O rile, “Mokgethwa Paulo o ile ka toropongkgolo, o bile le mosokologi o tee. Gomme o ile morago, ngwaga go tloga nako yeo,” gomme o rile, “mosokologi yo motee yola o tšweleditše masometharo gape.” O rile, “Ke tla ya ka toropongkgolo lebaka la dibeke tše tshela, gomme ka ba le diphetho tše dikete tše masometharo, gomme nka kgona go bowa

morago mo dikgweding tše tshela gomme ka se kgone go hwetša masometharo.” [Ga go selo go theipi—Mor.]

¹⁴⁹ Gabotse, bjale, ke ratile monna sebakeng sa sebete sa gagwe, eupša ke tla rata go mmotšiša potšišo e tee. “Ke mang a tšerego basokologi ba Paulo? Ke eng ka modiša wa sebodu?” E be e le eng? Paulo o dutše le yena go fihla a bile ngwana wa Modimo ka go tsenelela, a tswalwa ke Moya. O mo išitše bokgole kudu ka go Kriste go fihla eble a sa kgone go lebelela morago.

¹⁵⁰ Ba no sepelela godimo gomme mohlomongwe ba tšoena kereke, goba eble ba bolela ka maleme. Ke dumela go go boleleng ka maleme. Ke dumela Moya wo Mokgethwa o bolela ka maleme. Eupša ke a tseba gore bohole ba ba bolelago ka maleme ga ba ne Moya wo Mokgethwa. Le a bona? Ke bone dingakabaloi ba bolela ka maleme, le go nwa madi go tšwa legateng la motho, le go bitsa diabolo, go bolela ka maleme le go le hlatholla. Seo ga se sethibamodumo. Aowa, aowa. Bophelo bja Kriste ka go wena, kenywa e a itlhatsa yonamong, yeo ke yona. Eupša re dula fase go seo, “Ge monna a boletsé ka maleme, seo ke ka moka, a a tle ka gare.” Lebelelang se le nago naso lehono. Le a bona? Yeo ke therešo, go bolela ka maleme, eupša e sego Therešo yohle.

¹⁵¹ Go swana le monna wa lekhalaate a ejá phatša ya legapu. O rile, “O le ratile bjang, Mose?” O rile, “Yeo e be e le ye botse, molaodi, eupša ka nneta go na le ye nngwe ya yona.”

¹⁵² Ge nka kgona go bolela ka maleme, ka kgonthe go na le a mangwe a mantši a Yona. Le a bona? Eupša re dira eng? Go no swana le Israele, e dutše godimo ga selo se tee sela, gomme e seselletše ka lešokeng bjale lebaka la mengwaga ye masomenne, go le bjalo ntle le ka moka ga Lona godimo ka go naga ya tshepišo. Seo ke tlwa se re se dirilego.

¹⁵³ Simsone a eme fale, (ke swanetše go itlhaganelo), o swanetše go be a lebeletše morago, o naganne ka dilo tšela tšohle. Gomme o be a le mo, lona lebaka le a tsošeditšwego godimo, o be a foufaditšwe. Gomme sebopego sa gagwe se segolo fale, mokgatlo wa gagwe wo mogolo wa mmele wa motho, thaba ya nama e eme fale, digoba tša gagwe tše kgolo tše tona, eupša go se maatla.

¹⁵⁴ Re eme fa lehono. Morago ka go ge Pentecost e be e fela e sa le renke feela bontši bjalo, mohlomongwe batho ba makgolo a mane goba a mahlano go kgabaganya setšhaba ka moka, lehono ke kereke ye e golago ka lebelobelo lefaseng. Re tsenya eng ka gare? Sehlopha sa maloko. Ka mošomopeakanywa wa rena wo mogolo, re swanetše go ba makga a dikete tše lesome go feta ka mo re bego re le ge re be re thoma. Gomme re ba dikete tše lesome atiša ka go fokola goo re bego re le ge re be re thoma, gobane re e aga godimo ga mo—mo motheo wa go hloka bofase, godimo ga mokgatlo, se sengwe se Modimo a se rogakilego. Gomme re ka kgona bjang go aga ke—ke kereke godimo ga melora ya Sodoma le Gomora?

¹⁵⁵ Ke a holofela ga la ntlhoya, eupša le no dula go iketla motsotsa gomme la theetša. Le a bona?

¹⁵⁶ A ka se kgone go e dira. Se Modimo a se rogakilego, O se rogakile. Gona, ntlošeng kgole le e ka ba eng yeo Modimo a e rogakilego. Ke nyaka se A se šegofatšago. Yeo ke nnete.

¹⁵⁷ Hlokamelang ge a be a eme kua, a nagana. Marena a ntwa, a tagilwe seripa, a eme kua, "Ke elelwa motho yola yo mogolo. Ke elelwa ge a eme ka lerapo la mohlagare la—la moula, ka seatleng sa gagwe. Ke elelwa ge a phuthile dikeiti tša Gasa le go sepelela ntlhoreng ya thaba. Ke elelwa dilo tše tšohle. Ge tau yela e mo roretše, moisa yola yo monnyane wa nthathana, gomme Moya o tlide godimo ga gagwe, gomme o nno kgeila tau yela ka bobedi, ka seatla sa gagwe. Gomme šo o eme, a tlenngwe, ke segotlane se sennyane se mo hlahlala go dikologa. Gomme modimo wa rena, modimohlapi Dagone, o thopile phenyo godimo ga gagwe."

¹⁵⁸ Ke lena bao. Lefase le khukhuneditše ka kerekeng, le thopile phenyo. Le hlobotše basadi ba rena. Le beile kganyogo ka pelong ya batho go dula gae le go bogela thelebišene sebakeng sa go ya kerekeng le kopano ya thapelo. Lerato la lefase le khukhuneditše ka gare le go tšeа kereke ya rena ya Pentecostal bakeng sa monamedi go tlemelwa hele.

¹⁵⁹ Kganyogo le tumelo? Kitimiša motho go kgabola mothalo wa thapelo gomme a nke a bone e ka ba eng e diregago; bošego bja go latela, šebale fale thwi morago gape. Peu ya Abraham? Tumelo ga e gona. E swanetše go ba fao, eupša ga se yona. Ge o . . .

¹⁶⁰ Modimo o boditše Abraham gatee, gomme mengwaga ye masomepedi tlhano o e lebeletše. Ga go kgathale e ile morago bokgole bjo bokae, ke kgona go mo kwa a re go Sarah, "Eya ntle kua, o mengwaga ye masometshela tlhano bogolo. Eya go reka koromo tsoko, le go hwetša diphini tše rilego le go dira diputsu tše rilego. Re ya go ba le lesea."

"O tseba bjang o ya go ba le lona?"

"Modimo o boletše bjalo." Gomme seo se e rumme.

¹⁶¹ Sa pele, le a bona, o be a le e ka ba mengwaga ye masomepedi ya go feta menophose. O phetše le yena ge a be a le e ka ba bogolo bja mengwaga ye lesometshela, bjalo ka lesogana. Ga se go dire phapano ye itšego; ga se a lebelele seo; ga se a seme seo. O šeditše se Modimo a se boletše. O ikarogantše yenamong go tloga go gosedumele gohle, o ile ntle ka lešokeng.

¹⁶² Bjoo ke bjo e lego bothata lehono. O nyaka go itira wenamong le mokgatlo wa gosedumele, sebakeng sa go ikaroganya wenamong go tloga go dilo tšeа lefase; o nyaka go bona ke kgaušwi gakaakang o ka otlelaggo ya bofelong bja sebe. Bona ke bokgole bjo bokae morago o ka kgonago go dula kgole le yona.

¹⁶³ Eupša šeba ba be ba le. Matšatši a mathomo a masometharo goba matšatši a masomepedi seswai a fetile. Batheeletši ba go

hlakahlakana bjale, gomme lena ba bagolo le tseba se ke bolelago ka sona. “Sarah, hani, o ikwa bjang?”

“Ga go phapano le gatee, Abraham.”

“Letago go Modimo, re ya go ba le lona, bjang kapa bjang.”

“O tseba bjang?”

“Modimo o boletše bjalo.”

¹⁶⁴ Mengwaga ye lesome ya feta. “Boloka tšona diphini di robetše fale, le koromo yohle.”

¹⁶⁵ Ba bangwe ba bagwera ba gagwe ba ttile kgauswi, “Abraham, tatago ditšhaba, o na le bana ba bakae?”

¹⁶⁶ “Letago go Modimo! Ka nako ye, ga go le o tee, eupša ke ya go ba le bona.”

“Bjang, wena? Gobaneng, o bogolo bja mengwaga ye masomesenyane.”

¹⁶⁷ “Ga go dire phapano ye nnyane. E tla ba mohlolo wo mogolwane bjale go feta o bego o le ge o ka be o diregile morago kua mengwaga ye masomepedi ya go feta.”

¹⁶⁸ Eupša, lehono, “Ke rapeletše bošego bja go feta. Ga ke ikwele bokaonana e ka ba bofe lehono.” Peu ya Abraham?

¹⁶⁹ Bothata ke eng? O hllobotšwe thososo. Ditlhale tša gago tša kereki di sa le fao; mokgatlo wa gago ke wo mogolo bjalo ka wa Methodist goba wa Baptist. O agela go thale ye nako yohle, eupša tumelo yela ya mmakgonthe e kae? Oo, le phaphatha diatla tša lena, le goelela le go opela dipina, le go bina. Nna, ke bone seo se direga ka go tše ntši tša dingaka, dikopano tša dingakabalo, ke ba bona ba phaphatha diatla tša bona, le go bolela ka maleme, ba hlatholla, le go tabogela godimo le fase. Tate Mokgethwana o na le selo sa go swana. Seo ga se se ke bolelago ka sona.

¹⁷⁰ Ke bolela ka tumelo ya mmapale ye e ka kgonago go tatolla tshepišo ya Modimo, le go ema fale le go e dira e phele, selo sa Lengwalo.

¹⁷¹ Bomohammedan, ke ba bone ba ewa mo mokgotheng le go goeletša, “Allah, Allah, Allah,” go fihla ge ba e ba le letsitlalo. Gomme nna le Billy Paul re eme fale gomme re bone monna a tšeita tšoša gomme a e tsetsemetsa feela ka tlase ga pelo ya gagwe, gomme ngaka a tšhela meetse go kgabola lehlakore le le go tšwela ntle ka lehlakoreng le lengwe. Ra mmona a tšeita se—se seripa, bjalo ka kota, gomme a e kitimiša go kgabola dipounama tša gagwe le godimo go kgabola nko ya gagwe, gomme eibile a ka se rothišeše lerothi la madi. A kitimiša ditshetla ka tlase ga manala a menwana ya gagwe, a goeletša, “Allah, Allah! Allah, Allah, Allah! Allah, Allah, Allah,” ka mokgwa woo. Mohammedan, le go nyatša dikgopolole tša Jesu Kriste. O be a se ne Moya wo Mokgethwana. Aowa, aowa, eupša o bile le maikutlo. Yeo ke nnete. Re . . .

¹⁷² Bokriste ga se maikutlo tlwa. Bohetene bo kgona go tšweletša feela bontši bja saekolotši bjalo ka—bjalo ka—bjalo ka Bokriste bo kgona; eupša seo ga se Therešo. Re nyaka Therešo. Kriste ke Therešo.

¹⁷³ Re dira eng? Re ipeakantše renabeng gore re eme bjalo ka Simsone, bjale, ge a eme fale a nagana se a ka bego a bile. Ke a nagana, lehono, kereke e swanetše go ema le go nagana le nna, metsotso e se mekae, se re ka bego re bile ge dilo tše di ka be di se tša dira se. Se re ka bego re bile!

¹⁷⁴ Ka gona go tla monaganong wa gagwe, se sengwe se fihlile. Ke a dumela Modimo o e dirile. Oo, ge e ka kgona feela go direga godimo ga lepatlelo le la kampa! “Go na le kgonagalo.” Go na le kgonagalo. Modimo o a lebalela. Go na le kgonagalo.

¹⁷⁵ Ga re ne botelele go dula fa. Nako ya rena e a fela. Mohlakanelwa wa dikereke o tšea naga. O tla kopana le Bokatoliki. Re na le monna ka kua feela tlwa.

¹⁷⁶ Ke duma ge nkabe ke na le nako go ya ka go yona, go le laetša gore setšhaba se se no swana tlwa le Israele. Ba tlie ka go naga ye šele, ba leleketeše badudi ntle, gomme ba tšea naga bjalo ka bohwa. Seo ke se re se dirilego. Israele, ba bile le monna wa mathomo, monna yo mogolo, monna yo bjalo ka Joshua, monna yo bjalo ka Dafida, bjalo ka Salome; eupša mafelelong gwa tla monna go—go bogoši, Ahaba, legwaragwara. Re bile le monna yo mogolo, Washington, Lincoln; eupša bjale se ba se dirilego? Sona selo se re se tletšego mo bakeng sa tokologo, le se beile ka White House, gobane le nagana kudu ka dipolitiki tša lena go feta le dira ka Kriste. Nnete tlwa.

¹⁷⁷ Gomme elelwang, ka go nako yeo, badiredi bohole ba a ineela. Isebele e be e le moetapele. Theetsang, Ahaba yenamong e be e le moisa yo mobotse yo mokaone, eupša Isebele e be e le molala ka morago ga hlogo. Ke yena a e dirilego. O be a le legwaragwara. Ga ke na le selo kgahlanong le monna yola, bjalo ka mopsresidente, eupša ke tshepedišo yela ya Isebele e lego ka morago ga yona. Ga le kgone go bona, bomopapa ba le dilo ba etla ka gare bjale, yo motee o a tsoga yoo “a sa tsebego Josefa.” Gomme selo sa pele le a tseba, re thwi bjale re kgopela kereke ya Protestant go tlemaganala le yona, gomme mokgatlo wo mongwe le wo mongwe o tla ya thwi ka go kopano ya dikereke, gomme fao le tantšwe.

¹⁷⁸ Re phela ka tšelete ya motšhelo yeo e tla lefelwago mo mengwageng ye masomenne go tloga lehono. Setšhaba se hloka tšelete. E kae? Ke mang a nago le tšelete? Ga re nayo? Diponte tša rena—tša rena ga tša loka. Re swanetše go ba le gauta. Ke mang a nago le yona? Kereke ya Katoliki. Ba tla dira eng? Pele monna ba ba wisiki le bohole baswari ba bagolo ba le baswarasetoko ba ka tsoge ba e neela, ba tla rekiša ka go felela, gomme kereke e tla adima setšhaba tšelete. Gomme se e tla se

dirago, e tla rekiša ditokelotswalo tša yona thwi ka go otlologa ka go Bokatoliki. Gona le ya go dira eng? Yeo ke gauta ya lefase, bona le Bajuda, gomme yeo ke kgwerano ye a e dirago le Israele.

¹⁷⁹ Le a bona, lena babadi ba Beibele le kgona go ruta seo ka kerekeng ya lena. Le a bona, ke no le laetsa ke dumela selo sa go swana.

¹⁸⁰ Ke ka mokgwa wo go tla swanelago go tla go phethega, gomme re na le yona thwi fao bjale. Gomme ke ren a ba, mokgatlo, le leswao la sebata godimo ga ren a, feela tlwa boka sebata sa pele; seswantšho sa yona, kopano ya dikereke, go tšoena maatla. Gomme ba dirile seswantšho sa sebata, gore bobedi se kgone go bolela, gomme se dirile selo sa go swana sebata sa pele se se dirilego pele ga sona. Thwi ka dinaleng tša ren a! Oo, bana!

¹⁸¹ Ke nako mang? “A go ne kgonagalo?” Simsone o eme fale gomme o rile. Ke nako mang? Feela, “A go na le kgonagalo?” Simsone o diragetše go nagana, “Modimo yola yo mogolo! Ke motlalagohle. Ke Modimo wa neng le neng. Ke bona phošo ya ka. Ke ya go sokologa.” Gomme o goeeditše.

¹⁸² Go na le kgonagalo gore re ka kgona go dira selo sa go swana. Bona ba letšatši leo... Letšatši le ga ba bone pono, bjalo ka Simsone. Ge re ka kgona feela go bona pono ya kgonagalo! Thoma thwi mo, thwi bjale. Kgonagalo, le a bona.

¹⁸³ Ba dula go tiiša, le go phaphatha diatla tša bona, le go makala go ya go tšwela ntle go ba eng. O ya go hwetša letšatši le lengwe, o ya go tšwela ntle bofelo bjo bonnyane bja lenaka, le a bona, nako yeo. Go ba le dikgobokano tše kgolo, le go phatsima, dilo tša lefase, “Oo, re a nagana, gabotse, le a tseba ke eng? Re na le maloko a mantši go feta re kilego ra ba le wona. Gomme re ka kgona go aga meago ya dibilione tša ditolara, re na le tšhelete ye ntši go feta re kilego ra ba le yona, dikereke tše kaonana mohlomongwe go feta ba bangwe ba Maprotestant goba ba bangwe ba ba bangwe ba nago natšo. Oo, monna! Pasari; gabotse, re iša bana ba ren a sekolong, le go ageng diseminari tše mpsha go bona go ya ka gare.”

¹⁸⁴ A nke ke le botše gonabjale. Monna ka thuto, ntle le Moya wo Mokgethwa, o itšeela yenamong, grata ye nngwe le ye nngwe a e hwetšago, kgojana go tloga go Modimo. Yeo ke nnete. O re, “Ke na le Bachelor ya Bokgabo.” Gona o no ba gannyane nthathana kgojana go feta o bile. O phatlola lee ka go athomo, gomme o thitšwa godimo ga lehlare la bjang leo ba sa tsebego selo ka lona. Le kwele polelo ya kgale, “Mašilo ba tla sepela ka dieta tša go tsatsampela, moo Barongwa ba boifago go gata.” Yeo ke nnete, pasari, eupša ga e tliše Moya. Ga e tliše mediro le Bophelo bja Jesu Kriste.

¹⁸⁵ Bothata bja ntshe ke, kereke lehono ga e swane le Simsone. Ga ba nyake go lefa tefo. Simsone o rapetše gabotse ge a rapetše,

“Morena, a nke ke hwe le lenaba.” O tsebile e be e eya go moturela se sengwe. O tsebile e be e eya go tura se sengwe. Go ya go go turela se sengwe, go ya go nturela se sengwe; maemo a gago a leago, lefelo la gago le maemo ka go kerekeleina. “Morena, ntumelele ke hwe, gona. Ke bona morero wa Gago.” O tsebile e be e eya go mo turela se sengwe. O swanetše go ba o loketše go hwa, go lenaba la gago, go tsena ka go ditšhegofatšo tša Modimo. Simsone o be a rata go lefa poreisi, go hwetša maatla a Modimo gape godimo ga gagwe. O be a rata go e dira. A le a dira?

¹⁸⁶ A le rata go loba mananeo a lena a thelebišene? Gomme, le a tseba, go be go le phošo go rena go ya dimobing. Eupša bjale diabolo o beile e tee godimo ga lena, o e tlišitše thwi ka ntlong le lena. Yeo ke nnete. Le a bona?

¹⁸⁷ Ke be ke fela ke eya tlase go moreri wa kgale wa Methodist, o be a fela a opela pina:

Re hlephiša mapheko, re hlephiša mapheko,
Re itšimeletša ka sebe.
Re hlephiša mapheko, dinku di tšwela ntle
Eupša dipudi di tsene bjang ka gare?

Le hlephišitše mapheko, ke tšohle.

¹⁸⁸ Oo, ke kwa yo mongwe a re, “Bjale ema motsotsso, Ngwanešu Branham, re na le ditsošeletšo!” Ya, ke eng? Tsošeletšo ya kerekeleina. Yeo ke nnete. Lebelelang maitshwaro a lena le diphapano tša lena. A ke tsošeletšo? A go na le nako ya go šwalalana? A go na le nako yeo yo mongwe le yo mongwe a ka kgonago go hlakana mmogo le go ba le kopanelo? Ge mokgatlo wa gago o le ka go yona, “go lokile.” Go ya kgolekgole go tloga go Lentšu nako yohle, yeo ke nnete, go dira dipišopo tše mpsha le se sengwe le se sengwe. Le a bona?

¹⁸⁹ Simsone o tsebile gore seemo sa gagwe sa bjale sa go kgeloga ga se se kgone go tšweletša maatla a tlhohlo ya iri.

¹⁹⁰ Banna le basadi, banešu le dikgaetšedi tša ka, a nke ke bolele se. Kereke, ka go seemo sa yona sa bjale sa kerekeleina, e ka se kgone go tšweletša maatla go hlohla nako, go e bitša nako. Banna le basadi ba nyaka Modimo, dipelo tša go botega. Gomme o ka no tlogela ma—ma maoneness gomme wa ya go matwoness, o ka no tlogela matwoness le go ya go mathreeness, gomme o ka no dira tšohle *tše*, *tšela*, goba *tše dingwe*; o no goga pampiri, goba—goba go hlehla le mišene, goba go dira boka ga ke tsebe eng, segotlane sa sekgapahmpshikela. Yeo ke nnete. Ga o e hwetše ka mokgwa woo. Maatla a rena a go kgeloga, a ka se kgone go gahlanetša tlhohlo ya iri ye. Dikerekemaina di ka se tšee bohlatsé bja Lentšu.

¹⁹¹ Ge, Jesu Kriste, bjalo ka ge ke lekile go le botša bošegong bja go feta, o tshepišitše se mo matšatšing a mafelelo. O tshepišitše go ba le yona mo. Gomme le tseba seo, ka Beibele. Gomme lebaka la mengwaga ye lesometlhano, morago le pele go kgabaganya

setšhaba, gomme ba befa kudu nako yohle. Yeo ke nnete. Le a bona, ga ba e nyake.

¹⁹² Ba re, “Gabotse, bjale, o tswalagana le oneness,” goba, “O itswalanya le thrinithi. O dira *se, sela*, goba *se sengwe*.” Re tswalana le Kriste, ntle ka go mokgatlo wo mongwe le wo mongwe, go leka . . .

¹⁹³ Eupša Modimo o bona seo, gore ba a Se bona. Gomme badumedi ba kgonthe ba bjalo ka mmalegogwana yo monnyane, bošegong bja go feta; ka pela ge Se phadimile go kgabaganya tsela ya gagwe, gomme peu yela ya Bophelo e robetše kua, o Le dumetše. Seo e be e le ka moka, se rathile mollo thwi bjale. Ge fao go be go le dikete di eme fao, di dira metlae ka Lona, eupša e sego yena. O tsebile gore yoo e be e le Mesia. O tsebile gore yeo e be e le tshepišo, gore, ge A etla, O be a tla dira seo.

¹⁹⁴ Ke a makala, ge feelsa re ka be re tsebile selo sa go swana! A re phuthetše godimo ka mokgatlong wa rena, re thibelwa ebole go no Se lebelela? Ke a makala ge eba le lebelela go di—di dikgatišobaka le diswantšho, le tšhila ya kgale ya ditšhila ya lefase, sebakeng sa go bala Beibele ya gago bjalo ka ge o swanetše go ba? “Motho a ka se phele ka borotho feelsa, eupša ka Lentšu le lengwe le le lengwe leo le tšwago molomong wa Modimo.”

¹⁹⁵ Bana ba rena, bašemane ba rena, ba fetogile sehlopha se sennyane sa boRicky le boRicketta ba bannyane, le a tseba yeo ke nnete, sehlopha sa difatanaga tša phenkgišano le se sengwe le se sengwe boka seo. Gomme o hwetša kae mošemane wa Mopentecostal? Ka sefatanganaga sa gagwe sa phenkgišano, mo mokgotheng. O hwetša kae kgaetšedi? Tlase kantining felotsoko, a dira rokenrole? O hwetša kae papa le mama? Papa, ntle a bapala kolofo, goba ntle felotsoko ka mokgwa woo, gomme mama ntle ka go phathi tsoko ya go roka ya lotše tsoko a lego wa yona, goba se sengwe. Ge, e swanetše go ba legae le kgobokane mmogo ka tlase ga boetapele bja Moya wo Mokgethwa, le Beibele morago gape. Moo ke mo re hlehletše gona. E sego go swaswalatša, eupša go no le šišinya gannyane, le a bona, gore le tla kwešiša.

¹⁹⁶ Nako yohle, gomme (oo, ke swanetše go tswalela) Bafilisita ga se ba tsoge ba lemoga se se bego se direga. Go be go le selo se sengwe se eya pele, ka baka la gore selo se sengwe se thoma go sepela ka pelong ya Simsone, “Go be go le kgonagalo,” le a bona. O ile a ikwela morago go bona ge eba e be e sa le fao.

¹⁹⁷ Basadi ba bangwe ba na le nako ye thata bjale, ba tseba gore ba be ba swanetše go ba le yona. Eupša bonang ge eba tshepišo ya Gagwe e sa le gona, bonang ge eba O sa dirilwe . . . E no ikwela morago gomme o bone ge A sa swane maabane, lehono, le go ya go ile.

¹⁹⁸ O e kwele. O tsebile go be go le se sengwe. O phagamišitše hlogo ya gagwe. O be a se ne mahlo. Ga se ba ke ba hlokomela megokgo e etla go theoga go tšwa go tšona dinkgotlopu tša go

se be le selo, moo dithatana di bego di tlogela megokgo e wela fase. Hlogo ya gagwe e le godimo, dipounama tša gagwe di sepela ka go nokologa, megokgo e ewa go tšwa go tšona dinkgotlopu di foufaditšwego. O be a sokologa. O tsebile gore Jehofa o be a sa phela. Le ge a dirile phošo, o tsebile O be a sa le Modimo. Megokgo e rotha go tšwa marameng a gagwe, ge a be a eme kua. Bafilisita ba be ba tagilwe kudu go lemoga seo.

¹⁹⁹ Ge maloko a lena a kereke, badirišani ba lena ka kerekeng ba sa e lemoge, le no tšwelapele le rapela. O be a nyaka go bona, nako ye nngwe gape, Lentšu la Modimo le dirilwe go bonagala pele ga sela sa go foufala, sehlopha sa bahetene ba go tagwa, basedumele. Ge seo e le tlala ya kereke lehono, go bona gatee gape, ga fešene ya kgale, tsošeletšo seromelwa ke Modimo, go tloga phuluphithing thwi go ya go mohlokomedzi, ga fešene ya kgale go hlwekiša, tsošeletšo ya fešene ya kgale ka maatla a Modimo, e—e Ebangedi ye e hlwekišago motho go kgabola, go tšwa ka gare go ya ka ntle; molomo wa sethunya go otologa, fešene ya kgale, morago-dithokgweng, tala leratadima, go bolaya, bodumedi bja go bolaya sebe bjo bo tšeago ka moka Hollywood go tšwa go lena, bona ba ba nago le kgahlego.

²⁰⁰ O be a le fao, a rapela. E sego kerekeleina ye mpsha bjale, thutotumelo ye mpsha; eupša ponagatšo ya Lentšu. “Morena, O kile wa ba godimo ga ka, gatee O mpha maatla. Ge feela nkabe ke na le maatla ao! Ke na le digoba, eupša di a fokola.”

²⁰¹ Re na le maloko, eupša ba a fokola. Ba rata dilo tša lefase bokaone go phala ba dira dilo . . . O re ke bohole . . . Oo? Lebelela godimo ga dikereke gomme o hwetše. O se ke wa leka go e gana. Ditiro tša gago di bolela go feta ka mo mantšu a gago a dirago, le a bona. Oo, ya, e ne maloko a mantsi, digoba tše kgolwane, eupša maatla a Morena a kae? Digoba tša gago tše kgolo di ka se kopane le tlhohlo ya iri ye, tumelo ya tlhatlogo go ntšha Kereke ka go selo se pele kahlolo e ratha lefase.

²⁰² Gomme kahlolo e lokela go ratha. Ke tla re, bjalo ka ge mogwera wa ka Jack Moore a boletše; ge Modimo a dumelela Amerika go feta ka dilo tše e di dirago bjale, O tla tlamega ka boitshwaro go tsoša Sodoma le Gomora godimo le go kgopela tshwarelo go yona, go mo tšhumeng godimo. Nnete! Kahlolo e kgauswi.

²⁰³ Modimo, tloša lefase lohle go nna. Mphe tumelo, O Morena, bakeng sa Tlhatlogo. Ka gore, go tla ba ba babedi malaong, gomme yo motee o tla tšewa, yo motee a tlogelwa. Ba babedi ba tla ba ka—ka setulong sa sefatanganaga, gomme yo motee o tla tšewa gomme yo mongwe a tlogelwa. E ya go direga mo nakwaneng.

O re, “Ngwanešu Branham, e tla ba neng?”

²⁰⁴ O ka no swaswalatša se. (Ge go lokile go e bolela?) [Ngwanešu o re, “Eya pele gomme o e bolele, ngwanešu.”—Mor.] A nke ke lahlele selo se sennyane mo. Letšatši le lengwe o ya go hwetša.

²⁰⁵ O ya go bolela fao, “Oo, ke rutilwe gore go na le *se, sela*, le *se sengwe*, se ya go direga pele Morena a etla. Go tla ba sekgao se segolo sa tlaišego, gomme re tla ya go se kgabola.” Le a bona? Le a bona?

²⁰⁶ Le a tseba, nako ye nngwe Jesu o ile a botšišwa potšišo. O rile, “Gobaneng bamangwalo ba bolela gore Eliase o swanetše go tla pele?”

²⁰⁷ Gomme Jesu o rile, “Ke re go lena, O šetše a ttile, gomme ga se le e tsebe.”

²⁰⁸ Le lengwe la matšatši a le ya go re, “Gabotse, ke naganne Kereke e be e eya, e ile ya swanelo go dira *se, sela*, le *se sengwe*. Ke naganne go tla ba le Tlhatlogo. Ke naganne . . .”

²⁰⁹ Le a bona, e tla ba go ubulwa ga sephiri. Ge A tšere yo motee mo ka Hot Springs, le yo motee felotsoko gape, le yo motee tlase kua, le yo motee kua, o tla dira ka kgonthe dimilione tša bao ba ttilego godimo go tšwa mobung. Gomme go na le bonnyane batho ba makgolotlhano, letšatši le lengwe le le lengwe, ba timelago ka lefaseng, gomme ebile ga re tsebe moo ba ilego. Le a bona, Tlhatlogo e ya go dira bohole bao ba robetšego ka leroleng la lefase, bao ba lego nnete le Modimo.

Ba tla re, “Gabotse, ke naganne Tlhatlogo e be e tla direga.”

“E šetše e fetile, gomme ga se wa e tseba. O tlogetšwe.” Le a bona?

“Gabotse, se sengwe le se sengwe se ya . . .” Ee, mohlomphegi.

²¹⁰ Ke go Tla ga sephiri, Tlhatlogo ke gona, go tla go utswa. Boka puku yela ke e badilego nako yela (e be e le eng), Juliet le Romeo. O ttile nako ya bošego, ge batho ba be ba robetše ka bolefaseng, gomme kereke yohle ka bolefaseng. Gomme ka pelapela, sello sa tla, gomme ba sephiri.

²¹¹ Theetšang, le kwele bontši kudu ka go Banna ba Kgwebo ba Bakriste, Banna ba Full Gospel, ba re, “Oo, le a tseba, Mor. Tate yo Mokgethwā *Semangmang!* Mapresbyterian ba thoma go amogela Moya wo Mokgethwā. Malutheran ba thoma go amogela Moya wo Mokgethwā.”

²¹² Lena sehlopha sa batho ba ba robetšego! A ga le tsebe? Jesu o rile, “Ge kgarebe yela ya go robala e etla go reka Oli, e be e le yona nako yeo mo Monyadi a ttilego, gomme o ile ka gare.” Elelwang, ga se ba O hwetša! A yeo ke nnete? Bjalo ka ge Booth Clibborn a rile, “Huh?” Uh-huh. Ba ka no, ba ile go kgabola maikutlo tsoko, eupša ka kgonthe ga se ba O hwetša. Ge ba etla go reka Oli, go be go le thari kudu.

²¹³ Gomme šeba bjale, Presbyterian, Lutheran; lebelelang *Voice* yela ya Banna ba Kgwebo ba Full Gospel, le sehlopha sela sa ditlogolo tša Pentecostal le baena ba ba kerekeleina, ba nagana

gore seo ke se sengwe se segolo. O ka no botšiša letšatši le lengwe, “Gabotse, ke naganne *se*.²¹⁴

²¹⁴ “E šetše e fetile, gomme ga se wa e tseba.” A nke ke eme fale, gobane ga—ga ke fa go rera thuto.

²¹⁵ Eupša, dikgonagalo! O se ke wa leka mahlatse ao. Le ke letšatši. Ye ke iri. Go ne kgonagalo thwi bjale, mohlomongwe e sego ka iri ya bohlano. Go ne kgonagalo. “Morena, ke a tseba O Modimo. Ke a tseba O yena. Ke kgole le Wena. Eupša ke a tseba gore ditlhale tše ka gatee di bobola ka maatla a Modimo. Ke tseba dilo tše ke di hlokomelago lehono, ke tleleima go ba Mopentecostal;” basadi, “Ke ripa moriri wa ka;” monna, “Ke dira *se*, *sela*, goba se *sengwe*.²¹⁶”

²¹⁶ Gomme lena banna le tla dumelelagoo basadibagatša ba lena go apara tšona dišothi le go dira tšona dilo, gomme morago wa ipitša wenamong morwa wa Modimo, dihlong go wena.

²¹⁷ Ke ile go kerekeleina ye e itšego ye kgolo, e se kgale kudu, go... Ba bile le kopano, gomme ke ile ntle go ba etela. Gomme modiša o ntšeetše ntle, gomme o be a eya go ntsebiša go mosadimogatša wa gagwe. O be a le mmapiano. Gomme mosadi yola o be a apere roko go swinelela mo e lego gore letlalo gabotse le be le le ka ntle. O be a tlotše meikapo, le go apara mehuta yohle ya dilo ka ditsebeng tša gagwe.

²¹⁸ Gomme ke rile, “Ngwanešu, a o ra go bolela gore mosadimogatša wa gago—wa gago ke mokgethwa?”

O rile, “Ee, mohlomphegi.”

²¹⁹ Ke rile, “O lebega boka ga se yena.” Ke rile, “Ga se nke ka bona se bjalo ka leina la Pentecost le bokgethwa!”

²²⁰ Oo, ngwanešu, re hloka go hlwekiša ntlo, go tloga phuluphithing go ya lebatong la ka tlase. Gomme le lengwe la matšatši a... O re, “Ke nna Mopentecostal.” Seo ga se re go feta go ba kolobe, go Modimo. Seo ga se ne selo go dira le Kriste. Leo e no ba leina. O swanetše go ba Pentecost ka pelong ya gago, dikenya tša Moya. Hlokomelang. Oo, nna!

²²¹ O be a lemoga se se tla diregago ge Modimo a arabile thapelo ya gagwe.

²²² A le a lemoga? A le a lemoga gore mokgatlo o ya go le raka? A le a lemoga le ya thwi bjale go federeišene ya dikereke, le dilo tše le yago thwi ka go tšona? A le lemoga se e yago go le turela? Le a tseba bona basadi le bapala dikarata le bona ba ya go le bitša “fešene ya kgale” le mohuta woo wohle wa dilo? Gobane le ka se dumelele bana ba lena go apara dišothi, gomme le dira dilo tše, le tseba se e yago go le turela? Bokaone o e bale pele o thoma, le a bona. Bokaone o nagane ka yona. Ya. Bokaone—bokaone o bolele go e fetša le Modimo, pele, pele o dira go thoma.

²²³ O tsebile, ge thapelo ya gagwe e arabilwe; eupša o be a loketše, gomme o be a hlokokofetše.

²²⁴ Ge kereke e ka kgona feela go tsena ka leemong leo! Ge o loketše thwi bjale, ge o hlokofetše, ge ka nnete o era taba, ge mahlo a gago a bulegile go se ke lekago go le botša ka tsela ya go rarela! Ge o hlokofetše, gona e re, "Morena, ga ke tshwenyege gore ke eng, ke loketše. Ke bona leswao. Ke a tseba gore go thari go feta re nagana. Ke nako ya go tla."

²²⁵ Nako yeo Simsone o goeleditše, "Morena, ba gontše mahlo a ka. Ke a tseba gore O Modimo. Ke a tseba gore O na le maatla go e dira. Ke a tseba O ka kgona go ntokolla go tšwa go ditlemo tše. Feela gatee gape, Morena, feela gatee gape!"

²²⁶ Feela gatee gape, Morena, feela gatee gape! A go be le kopano ya kampa ka lehlakoreng la thaba, go swana le ge e be e le godimo ga thaba ka Kamoreng ya Godingwana. A nke fao go tle modumo go tšwa Legodimong, bjalo ka phefo ye maatla ya go kitima, o tlatše ntlo yohle, bohlatse bjo bo bonagalago bja Kriste yo a tsogilego.

²²⁷ "Feela gatee gape, Morena, feela gatee gape," o goeleditše. Ge a goeleditše, ka tlhokofalo, a eme kua, le mahlo a gagwe a go foufala. "Ke tseba tefo, Morena, eupša feela gatee gape!"

²²⁸ Modimo o araba thapelo. O ikwetše ditlhale di tlemagana. Digoba tša gagwe tša thoma go swara. Maatla a leoto la gagwe le thoma go tla morago. O rile go mošemane yo monnyane, "Ntlhahlele go ya koteng bjale."

²²⁹ "Ntlhahle, Morena, ntlhahle. Ntlhahlele go ya koteng, go ya Khalibari. Ntlhahlele koteng moo nka go bapolwa, go fihla bophelo bja ka bja kgale bja selefase bo ehwa fa, le tšohle ke lego. Ntlhahlele koteng, Morena."

²³⁰ Ge a thoma go ikwela tšona digoba di kokomoga ka maatla a Modimo, o be a se a swanelo go bona se se bego se direga, o ikwetše se se bego se direga. A thoma go phetla magetla a gagwe, gomme, ge a dirile, moago o ile fase. Letšatši lela, o fentše, o bolaile Bafilisita ba bantsi go feta a dirile matšatši ohle a bophelo bja gagwe.

²³¹ Bagwera, go na le kgonagalo gore kereke ye, ka go naga ye... Bjale ke na le e ka ba matlakala a mararo goba a mane a dinoutse fao, ke ya go a tlogela. Go ne kgonagalo. Go ne kgonagalo thwi mo ka kopanong ya kampa. Go ne kgonagalo thwi fa mo iring ye. Go ne kgonagalo, ge re le komana go lefa tefo, re ka kgona go bona Ditiro 2 ye nngwe e direga.

²³² "Gatee gape, Morena! Re e hlakahlakantšhitše. Re kgatlofaditše. Re robile bongwanešu bja rena. Re arogantše kopanelo ya rena. Re tšere sehlopha se sennyane godimo fa. Re lwa seng sa rena, gomme diabolo o dutše morago, a re bogela re hwipinyana seng. Morena, a go a kgonega gore gatee gape gore bohole lekgolo le masomepedi a rena re ka ba mmero o tee lefelong le tee? A go a kgonega gore fao go tlie modumo go tšwa

Legodimong, bjalo ka phefo ye maatla ya go kitima? Gatee gape, Morena, gatee gape!"

²³³ A re emeng ka maoto a rena, gomme re re, "Gatee gape, Morena! Gatee gape, Morena!"

²³⁴ O Morena Modimo, nkwe, Morena. Gatee gape, Morena! Gatee gape romela Moya godimo ga kopano ye ya kampa, ka maatleng le letago!



O MORENA, FEELA GATEE GAPE NST63-0628M
(O Lord, Just Once More)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mosong, June 28, 1963, ka Associated Brotherhood Of Christians Campground ka Hot Springs, Arkansas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org